

Na osnovu članka 23 Statuta Brčko Distrikta Bosne i Hercegovine, Skupština Brčko Distrikta Bosne i Hercegovine na 33. sjednici održanoj 11. i 14. prosinaca 2001. godine, usvaja:

**ZAKON
O STEČAJU, PRINUDNOM PORAVNANJU I LIKVIDACIJI
U BRČKO DISTRIKTU BOSNE I HERCEGOVINE**

I - OSNOVNE ODREDBE

Članak 1

- (1) Ovim zakonom uređuju se uvjeti za sprovođenje postupka stečaja, prinudnog poravnanja i likvidacije protiv dužnika određenog ovim zakonom.
- (2) U slučaju kada zakon određuje prestanak pravne osobe putem likvidacije i određuje nadležnost suda za sprovođenje postupka likvidacije ili ako ne određuje nadležnost, postupak sprovodi Osnovni sud Brčko Distrikta Bosne i Hercegovine (u daljem tekstu: "Sud").

Članak 2

- (1) Stečajni postupak se sprovodi radi zajedničkog namirenja svih dužnikovih vjerovnika, unovčenjem njegove imovine i podjelom prikupljenih novčanih sredstava između vjerovnika.
- (2) Tijekom stečajnog postupka može se zaključiti prinudno poravnanje, kao i prodati dužnik kao pravna osoba, radi uređivanja dužnikovog pravnog položaja i njegovih odnosa prema vjerovnicima, a naročito radi održavanja njegovih poslovnih djelatnosti.

Članak 3

- (1) Stečajni postupak se sprovodi protiv dužnika koji je trajnije nesposoban za plaćanje (nesolventan) ili mu predstoji nesposobnost plaćanja ili je prezadužen, kao i u drugim slučajevima određenim zakonom.
- (2) Smatra se da je dužnik trajnije nesposoban za plaćanje ako u razdoblju od šesdeset (60) dana nepekidno ne izmiruje sve svoje dospjele novčane obveze.
- (3) Smatra se da predstoji nesposobnost za plaćanje, ako je vjerojatno da dužnik neće biti u mogućnosti da izmiri svoje obveze, u vrijeme dospelosti.
- (4) Smatra se da je dužnik prezadužen ako njegova imovina nije dovoljna da pokrije sve postojeće obveze.
- (5) Stečajni postupak se neće sprovoditi u slučaju trajnije nesposobnosti za plaćanje ili prezaduženosti dužnika, ako se prema okolnostima slučaja (raspoloživim izvorima sredstava, vrsti imovine, pribavljenim osiguranjima i sl.) može osnovano pretpostaviti da će dužnik nastavkom poslovanja uredno ispunjavati svoje obveze po dospelju.

Članak 4

- (1) Stečajni postupak se ne može pokrenuti u slučaju kada dužnik ima samo jednog vjerovnika.
- (2) Stečajni postupak se ne može pokrenuti protiv invalidskog poduzeća, bez prethodnog odobranja Vlade Brčko Distrikta Bosne i Hercegovine (u daljem tekstu: Vlada).

Članak 5

Stečajni postupak se može pokrenuti na prijedlog vjerovnika, dužnika i osobno odgovornog člana društva.

Članak 6

- (1) U skladu s ovim zakonom, dužnik može biti poduzeće ili druga pravna osoba ili poduzetnik čije se sjedište nalazi na teritoriji Brčko Distrikta Bosne i Hercegovine (u daljem tekstu: Distrikt), kao i druga osoba predviđena zakonom.
- (2) Ako zakonom nije predviđena mogućnost sprovođenja stečajnog postupka na imovini određene pravne osobe, za obveze te pravne osobe solidarno odgovaraju njegovi osnivači.

Članak 7

- (1) Dužnik može pokrenuti postupak prinudnog poravnanja ako su ispunjeni uvjeti za pokretanje stečajnog postupka ili predložiti prinudno poravnanje tijekom stečajnog postupka.
- (2) Ako je prijedlog za pokretanje postupka prinudnog poravnanja podnjet prije prijedloga za pokretanje stečajnog postupka, stečajni postupak se neće pokretati prije okončanja postupka prinudnog poravnanja.

II - OPĆE ODREDBE

Članak 8

- (1) Stečajni postupak sprovodi Sud.
- (2) Stečajni postupak je hitan.
- (3) U stečajnom postupku se ne može tražiti povrat u prethodno stanje, niti podnositi prijedlog za ponavljanje postupka, niti izjaviti revizija.
- (4) Osoba koja propusti rok ili izostane s ročišta na kojem su se trebali predati odnosno podnijeti prijedlozi, izjave ili prigovori, ne može ih kasnije predati odnosno podnijeti, ukoliko nije drugačije određeno ovim zakonom.

Članak 9

- (1) Odluke u stečajnom postupku se donose u obliku rješenja ili zaključaka.
- (2) Zaključkom se izdaje nalog službenoj osobi ili organu koji sprovodi stečajni postupak za izvršenje radnji.
- (3) Prigovor protiv zaključka nije dozvoljen.

Članak 10

- (1) Protiv rješenja se može podnijeti žalba, ako ovim zakonom nije drugačije određeno.
- (2) Rok za podnošenje žalbe je osam (8) dana, ako ovim zakonom nije drugačije određeno.
- (3) Rok za podnošenje žalbe teče od dana kada je rješenje istaknuto na oglasnoj ploči suda.
- (4) Ako je ovim zakonom propisano da se rješenja moraju dostaviti određenim osobama, rok za podnošenje žalbe za te osobe teče od dana kada im je rješenje dostavljeno.
- (5) O žalbi protiv rješenja odlučuje Apelacioni sud Brčko Distrikta Bosne i Hercegovine (u daljem tekstu: "Apelacioni sud")
- (6) Žalba protiv rješenja ne zadržava njegovo izvršenje, ako ovim zakonom nije drugačije određeno.

Članak 11

U stečajnom postupku shodno se primjenjuju odredbe Zakona o parničnom postupku, ako ovim zakonom nije drugačije određeno.

III - STEČAJNI POSTUPAK

Organi stečajnog postupka

Članak 12

Organi stečajnog postupka su: stečajni sudac, stečajni upravitelj i odbor vjerovnika.

Članak 13

(1) Stečajni sudac:

1. odlučuje o otvaranju stečajnog postupka,
2. određuje neophodne poslove koje treba završiti tijekom stečajnog postupka,
3. odobrava predračun troškova stečajnog postupka i određuje nagradu za rad stečajnog upravitelja,
4. imenuje i razrješava stečajnog upravitelja,
5. nadzire rad stečajnog upravitelja,
6. daje obvezujuća uputstva stečajnom upravitelju,
7. odobrava nacrt glavne diobe i donosi rješenje o glavnoj diobi stečajne mase,
8. donosi rješenje o zaključenju stečajnog postupka,
9. obavlja druge poslove određene ovim zakonom.

Članak 14

- (1) Stečajni upravitelj se imenuje rješenjem o otvaranju stečajnog postupka.
- (2) Protiv rješenja o imenovanju stečajnog upravitelja može se uložiti žalba.
- (3) Po primanju dužnosti, stečajni upravitelj daje izjavu pred stečajnim sucem da će svoje dužnosti savjesno obavljati.

Članak 15

- (1) Za stečajnog upravitelja može se imenovati fizička osoba koja ima najmanje višu stručnu spremu pravne, ekonomske ili druge odgovarajuće struke i deset (10) godina radnog iskustva.
- (2) Za stečajnog upravitelja ne može se imenovati osoba koja bi morala biti izuzetna kao sudac u stečajnom postupku, a naročito osoba koja je blizak srodnik stečajnog suca, osobe odgovorne za obveze u stečaju, člana uprave ili drugih organa dužnika i vjerovnika, kao i osoba koja je u odnosu suparništva s dužnikom.
- (3) Za stečajnog upravitelja ne može biti imenovana osoba koja po zakonu ne bi mogla biti imenovana za člana uprave dužnika, nadzornog odbora ili sličnog organa, niti osoba koja je bilo zaposlena kod dužnika ili je bila član nekog organa dužnika.

Članak 16

- (1) Listu stečajnih upravitelja određuje predsjednik Suda, po pribavljenom odobrenju Pravosudne komisije Brčko Distrikta Bosne i Hercegovine (u daljem tekstu: Pravosudna komisija). Ako to zahtijevaju posebne okolnosti, predsjednik Suda može, po odobrenju Pravosudne komisije, utvrditi novu listu stečajnih upravitelja.
- (2) Pravosudna komisija je dužna odobrenje iz stavka 1 ovog članka, dostaviti sudu u roku od trideset (30) dana od dana prijema zahtjeva predsjednika Suda.
- (3) Ako Pravosudna komisija ne postupi u skladu s prethodnim stavkom ovog članka listu stečajnih upravitelja utvrdit će predsjednik suda nezavisno od toga.

Članak 17

- (1) Stečajni upravitelj ima prava i dužnosti uprave i vlasnika dužnika, u skladu s potrebama stečajnog postupka, ako ovim zakonom nije drugačije određeno.
- (2) Stečajni upravitelj obavlja poslove i vrši dužnost zastupnika dužnika.
- (3) Ako je dužnik poduzetnik, stečajni upravitelj zastupa dužnika i obavlja samo one poslove koji se odnose na imovinu koja je uključena u stečajnu masu.

Članak 18

- (1) Stečajni upravitelj je naročito dužan:
 1. dovesti u red knjigovodstvenu dokumentaciju do dana otvaranja stečajnog postupka,
 2. u roku od trideset (30) dana i uz suglasnost stečajnog suca sastaviti plan toka stečajnog postupka, uključujući i predračun troškova i vremenski raspored,
 3. odrediti komisiju za popis imovine,
 4. sastaviti početni stečajni bilans,
 5. voditi poslovne knjige,
 6. sastavljati računovodstvene iskaze u skladu sa zakonom,
 7. postupati kao dobar privrednik u upravljanju poslovima stečajnog dužnika,
 8. brinuti da stečajni postupak teče brzo i bez neosnovanog odlaganja,
 9. brinuti o ostvarivanju potraživanja dužnika,
 10. unovčiti stvari dužnika koje ulaze u stečajnu masu,
 11. uz suglasnost stečajnog suca sastaviti nacrt glavne diobe i nacrt završnog stečajnog bilanca,
 12. sastaviti nacrt naknadne diobe.
- (2) Stečajni upravitelj odgovara svakom sudioniku u stečajnom postupku za štetu koju nanese namjerno ili grubom nepažnjom. Stečajni upravitelj ne odgovara za štetu nastalu zbog svoje radnje koju je odobrio stečajni sudac, niti zbog radnje izvršene u skladu s uputstvima stečajnog suca, osim ako je odobrenje ili uputstva dobio na prevaran način.

Članak 19

Stečajni upravitelj podnosi stečajnom sucu tromjesečno ili na zahtjev stečajnog suca ili odbora vjerovnika, pismena izvešća o toku stečajnog postupka i o stanju stečajne mase.

Članak 20

- (1) Stečajni sudac može na prijedlog odbora vjerovnika, zainteresirane osobe ili po službenoj dužnosti, razriješiti stečajnog upravitelja ako ne obavlja svoje dužnosti ili iz drugih opravdanih razloga.
- (2) Stečajni upravitelj ima pravo na žalbu protiv rješenja o razrješenju.
- (3) Stečajni upravitelj može biti razriješen dužnosti i na svoj zahtjev.

Članak 21

- (1) Stečajni upravitelj ima pravo na naknadu opravdanih troškova i na nagradu za svoj rad.
- (2) Stečajni sudac može donijeti odluku o naknadi opravdanih troškova u toku stečajnog postupka, a može o tome odlučiti i nakon zaključenja stečajnog postupka. Stečajni sudac može stečajnom upravniku odobriti isplatu avansa nagrade za rad.

Članak 22

- (1) Radi zaštite interesa vjerovnika u stečajnom postupku, stečajni sudac može osnovati odbor vjerovnika.
- (2) Na zahtjev vjerovnika čija potraživanja premašuju 50% od ukupnog iznosa potraživanja svih vjerovnika, stečajni sudac je dužan osnovati odbor vjerovnika, osim ako je vrijednost stečajne mase ispod 50.000 KM.

Članak 23

- (1) Broj članova odbora vjerovnika određuje stečajni sudac i taj broj mora biti neparan.
- (2) Ako je broj vjerovnika manji od pet, svi vjerovnici čine odbor vjerovnika.

Članak 24

- (1) Članovi odbora vjerovnika se po pravilu biraju na prvom ročištu za utvrđivanje potraživanja.
- (2) Pravo na sudjelovanje u izboru članova odbora vjerovnika imaju vjerovnici čija potraživanja su u cjelosti ili djelomično utvrđena, kao i vjerovnici čija potraživanja su u cjelosti osporena, ali ih stečajni sudac smatra vjerojatnim.
- (3) Vjerovnik čija utvrđena potraživanja premašuju jednu četvrtinu (1/4) ukupno utvrđenih potraživanja svih vjerovnika, može biti član odbora vjerovnika na svoj zahtjev i bez izbora.
- (4) Osoba koja nije vjerovnik, može zastupati člana odbora vjerovnika u radu odbora samo na osnovu posebnog ovlaštenja.
- (5) Članovi odbora vjerovnika većinom glasova svih članova biraju predsjednika odbora vjerovnika. Predsjednik odbora vjerovnika saziva i predsjedava odborom vjerovnika.
- (6) Stečajni sudac može po prethodnoj suglasnosti odbora vjerovnika, razriješiti člana odbora vjerovnika, ako se utvrdi da zanemaruje svoje obveze i izabrali drugog člana. Stečajni sudac mora obrazložiti odluku o razrješenju člana odbora vjerovnika i pismeno obavijestiti sve vjerovnike. Razriješeni član odbora vjerovnika ima pravo na žalbu protiv odluke o razrješenju.
- (7) Odbor vjerovnika mora izjavu o suglasnosti, odnosno nesuglasnosti iz stavka 6 ovog članka dostaviti stečajnom sudu u roku od osam (8) dana od prijema poziva stečajnog suca. Ako se odbor vjerovnika ne izjasni u ovom roku, smatra se da postoji suglasnost za razrješenje člana odbora vjerovnika.

Članak 25

- (1) Odbor vjerovnika o pitanjima iz svog djelokruga odlučuje na sjednicama koje saziva predsjednik odbora vjerovnika na prijedlog stečajnog suca, stečajnog upravitelja ili većine članova odbora vjerovnika.
- (2) Ako predsjednik odbora vjerovnika ne sazove sjednicu na prijedlog osobe iz stavka 1 ovog članka, sjednicu odbora vjerovnika saziva stečajni sudac.
- (3) Sjednicama odbora vjerovnika prisustvuju stečajni sudac i stečajni upravitelj, ali bez prava glasa.
- (4) Odbor vjerovnika odlučuje većinom glasova prisutnih članova, a ako su glasovi podijeljeni, odlučuje stečajni sudac.

Članak 26

- (1) Odbor vjerovnika:
 1. razmatra izvješća stečajnog upravitelja o toku stečajnog postupka i o stanju stečajne mase,
 2. ima pravo da pregleda poslovne knjige i cjelokupnu dokumentaciju koju je preuzeo stečajni upravitelj,

3. ima pravo na podnošenje prigovora stečajnom sucu na rad stečajnog upravitelja,
 4. predlaže smjenu i imenovanje novog stečajnog upravitelja,
 5. daje mišljenje stečajnom sucu o unovčenju imovine dužnika,
 6. daje mišljenje stečajnom sucu o nastavljanju započelih i zaključivanju novih poslova,
 7. daje mišljenje stečajnom sucu o priznavanju opravdanih manjkova utvrđenih popisom imovine,
 8. obavlja druge poslove predviđene ovim zakonom.
- (2) Odbor vjerovnika mora, na zahtjev vjerovnika, da ih obavještava o toku stečajnog postupka i o stanju stečajne mase.
 - (3) Članovi odbora vjerovnika odgovorni su svim vjerovnicima u stečajnom postupku, za štetu prouzročenu namjerno ili grubom napažnjom u izvršavanju svojih funkcija.

Članak 27

- (1) Stečajni sudac donosi odluku o naknadi neophodnih troškova članovima odbora vjerovnika.
- (2) Naknada troškova iz stavka 1 ovog članka je uključena u troškove stečajnog postupka.

Pokretanje stečajnog postupka

Članak 28

- (1) Stečajni postupak se pokreće podnošenjem prijedloga u pismenoj formi.
- (2) Prijedlog može podnijeti dužnik, vjerovnik i osobno odgovoran član društva.
- (3) Vjerovnik može podnijeti prijedlog za otvaranje stečajnog postupka ako izvršnom ispravom dokaže ili vjerodostojnom ili drugom ispravom učini vjerojatnim, postojanje potraživanja.

Članak 29

Podnositelj prijedloga mora učiniti vjerojatnim postojanje uvjeta za otvaranje stečajnog postupka iz članka 3 ovog zakona.

Članak 30

- (1) Ako prijedlog podnosi vjerovnik, stečajni sudac će dostaviti kopiju prijedloga dužniku koji u roku od petnaest (15) dana mora odgovoriti na prijedlog.
- (2) Ako se dužnik iz stavka 1 ovog članka suglasi s prijedlogom ili se o njemu ne izjasni, smatrat će se da postoje uvjeti za otvaranje stečajnog postupka.
- (3) Ako se u roku iz stavka 1 ovog članka dužnik izjasni da ne postoje uvjeti za otvaranje stečajnog postupka, stečajni sudac će prikupiti podatke za ocjenu da li ti uvjeti postoje (npr. uvidom u podatke banke koja obavlja platne transakcije za dužnika, angažiranjem sudskog vještaka ili na neki drugi odgovarajući način).

Članak 31

- (1) Predlagač je dužan položiti avans kojeg odredi stečajni sudac za pokrivanje troškova pokretanja stečajnog postupka.
- (2) Ako predlagač ne položi određeni avans, stečajni sudac odbacuje prijedlog. U izuzetnim slučajevima stečajni sudac može odlučiti da nastavi postupak iako avans nije položen.
- (3) Ako prijedlog podnese Poreska uprava Brčko Distrikta, troškovi stečajnog postupka privremeno se predujmlijuju iz sredstava Suda.

- (4) Ako stečajni postupak bude otvoren, iznos avansa za pokrivanje troškova otvaranja stečajnog postupka bit će uključen u troškove stečajnog postupka.

Članak 32

- (1) Prijedlog za otvaranje stečajnog postupka se može povući do trenutka kada obavještenje o otvaranju stečajnog postupka bude istaknuto na oglasnoj ploči suda.
- (2) Ukoliko predlagač povuče prijedlog za otvaranje stečajnog postupka, stečajni sudac će obustaviti postupak.
- (3) Ako se prije otvaranja stečajnog postupka utvrdi da je dužnik postao sposoban za plaćanje, stečajni sudac će odbaciti prijedlog za otvaranje stečajnog postupka.

Članak 33

- (1) Nakon podnošenja prijedloga za otvaranje stečajnog postupka, na prijedlog vjerovnika koji učini vjerojatnim svoje potraživanje, stečajni sudac može rješenjem o privremenoj mjeri:
1. ograničiti prava osobama koje su ovlaštene da obavljaju pravne poslove dužnika,
 2. zabraniti isplate sa dužnikovog računa, izuzev isplate osnovnih plaća, određenih kolektivnim ugovorom,
 3. zabraniti raspolaganje imovinom dužnika ili odrediti da dužnik može raspolagati svojom imovinom samo uz prethodnu suglasnost stečajnog suca,
 4. odrediti drugu neophodnu mjeru kojom bi se spriječila promjena imovinskog stanja dužnika.
- (2) Stečajni sudac određuje da se ograničenja iz točaka 1 i 3 prethodnog stavka unesu u sudski registar, a da se o ograničenjima iz točke 2 prethodnog stavka obavijesti finansijska organizacija koja obavlja platne transakcije za dužnika.
- (3) U iznimnim slučajevima, privremenu mjeru iz stavka 1 ovog članka, stečajni sudac može donijeti po službenoj dužnosti.

Članak 34

- (1) Dužnik protiv kojeg je podnjet prijedlog za otvaranje stečajnog postupka, dužan je stečajnom sucu staviti na raspolaganje svu potrebnu dokumentaciju, podatke i obavještenja.
- (2) Vlasnici dužnika, član organa upravljanja dužnika, direktor i drugi dužnikovi zaposlenici (bez obzira da li im je funkcija ili radni odnos kod dužnika prestao), dužni su stečajnom sucu staviti na raspolaganje svu potrebnu dokumentaciju, podatke i obavještenja.
- (3) S obvezom iz stavka 1 i stavka 2 ovog članka da se pruže informacije i predaju dokumenta, postupat će se u skladu s propisima o obvezi svjedočenja.

Otvaranje stečajnog postupka

Članak 35

- (1) Kada prikupi informacije iz stavka 3 članka 30 ovog zakona, stečajni sudac zakazuje ročište radi raspravljanja o postojanju uvjeta za otvaranje stečajnog postupka, na koje poziva predlagača, dužnika i po potrebi, vještake i svjedoke.
- (2) Na ovom ročištu ili najkasnije tri (3) dana nakon ročišta, stečajni sudac donosi rješenje o otvaranju stečajnog postupka protiv dužnika ili rješenje o odbacivanju prijedloga za otvaranje stečajnog postupka.
- (3) U rješenju o odbacivanju prijedloga za otvaranje stečajnog postupka, stečajni sudac određuje ko snosi nastale troškove.
- (4) Stečajni sudac donosi rješenje o otvaranju stečajnog postupka bez održanog ročišta, ako je otvaranje stečajnog postupka predložio dužnik ili u slučaju iz stavka 2 članka 30 ovog zakona.

- (5) Pored osoba koje su ovlaštene da zastupaju dužnika, žalbu protiv rješenja o otvaranju stečajnog postupka može podnijeti i vlasnik dužnika.
- (6) Žalba iz stavka 5 ovog članka ne sprečava izvršenje rješenja o otvaranju stečajnog postupka.

Članak 36

Stečajni postupak počinje bez ispitivanja uvjeta za stečaj ako prijedlog za otvaranje stečajnog postupka podnese likvidacioni upravitelj ili u slučaju iz članka 129 stavak 2 i članka 159 ovog zakona.

Članak 37

- (1) Ako utvrdi da imovina koja bi ušla u stečajnu masu nije dovoljna da pokrije troškove stečajnog postupka ili da je neznatne vrijednosti, stečajni sudac donosi rješenje o otvaranju i zaključenju stečajnog postupka.
- (2) Ako tijekom stečajnog postupka, stečajni sudac utvrdi da imovina koja bi ušla u stečajnu masu nije dovoljna da pokrije troškove tog postupka ili da je neznatne vrijednosti, donijet će rješenje o zaključenju stečajnog postupka.
- (3) Rješenje iz stavka 1 i 2 ovog članka objavljuje se u "Službenom glasniku Brčko Distrikta Bosne i Hercegovine" i "Službenom glasniku Bosne i Hercegovine".
- (4) Protiv rješenja iz stavka 1 i 2 ovog članka vjerovnici mogu podnijeti žalbu u roku od petnaest dana (15) od dana objavljivanja rješenja u "Službenom glasniku Brčko Distrikta Bosne i Hercegovine" i "Službenom glasniku Bosne i Hercegovine".
- (5) Imovina će se upotrijebiti za podmirenje troškova stečajnog postupka, a neiskorišteni dio će se predati razvojnoj agenciji Distrikta koju odredi Vlada.

Članak 38

- (1) U slučaju da postoji samo jedan vjerovnik ili da imovina dužnika nije dovoljna da pokrije troškove stečajnog postupka, stečajni sudac može odlučiti da se stečajni postupak otvori, ako vjerovnik učini vjerovatnim da će na osnovu pobijanja pravnih radnji dužnika, imovina biti vraćena u stečajnu masu.
- (2) Stečajni sudac može odrediti obvezu vjerovniku da položi avans koji odredi stečajni sudac radi pokrivanja troškova sprovođenja postupka. vjerovnik ima pravo na naknadu za avans u skladu s propisima o troškovima stečajnog postupka.

Članak 39

- (1) O otvaranju stečajnog postupka vjerovnici se obavještavaju oglasom.
- (2) Oglas se ističe na oglasnoj ploči suda i objavljuje u "Službenom glasniku Brčko Distrikta Bosne i Hercegovine" i "Službenom glasniku Bosne i Hercegovine". Oglas se mora istaći na oglasnoj ploči suda istog dana kada je doneseno rješenje o otvaranju stečajnog postupka.
- (3) Rješenje o otvaranju stečajnog postupka dostavlja se predlagачu i dužniku.

Članak 40

Oglas o otvaranju stečajnog postupka sadrži:

1. naziv suda,
2. izvod iz rješenja o otvaranju stečajnog postupka,
3. naziv i adresu dužnika,
4. ime, prezime i adresu stečajnog upravitelja,
5. poziv svim vjerovnicima da prijave svoja potraživanja stečajnom sucu u dva primjerka s dokazima, u roku od šesdeset (60) dana od dana objavljivanja oglasa

- o otvaranju stečajnog postupka u “Službenom glasniku Brčko Distrikta Bosne i Hercegovine” i “Službenom glasniku Bosne i Hercegovine”,
6. mjesto, dan i sat ročišta za ispitivanje potraživanja,
 7. poziv dužnicima da bez odlaganja izmire svoja dugovanja,
 8. dan isticanja oglasa na oglasnoj ploči suda.

Pravne posljedice otvaranja stečajnog postupka

Članak 41

- (1) Pravne posljedice otvaranja stečajnog postupka nastupaju na dan kada je oglas o otvaranju stečajnog postupka istaknut na oglasnoj ploči suda.
- (2) Ako je rješenje o otvaranju stečajnog postupka ukinuto po žalbi, a stečajni postupak nakon ukidanja rješenja ponovo otvoren, pravne posljedice stečajnog postupka nastupaju na dan kada je na oglasnoj ploči suda istaknuto prvo rješenje.

Članak 42

- (1) Stečajna masa se formira na dan otvaranja stečajnog postupka.
- (2) Cjelokupna imovina dužnika u vrijeme otvaranja stečajnog postupka, te imovina koju dužnik primi do okončanja stečajnog postupka, čini stečajnu masu dužnika.
- (3) U slučaju kada je stečajni postupak otvoren protiv društva s neograničenom odgovornošću i komanditnog društva, sva imovina osobno odgovornog člana uključuje se u stečajnu masu, a izuzetak čine stvari i prihodi koji su oslobođeni izvršenja u skladu sa Zakonom o izvršnom postupku.
- (4) U stečajnu masu dužnika, koji je poduzetnik, uključuje se sva imovina koja pripada dužniku nakon otvaranja stečajnog postupka, osim stvari i prihoda iz stavka 3 ovog članka.
- (5) U slučajevima iz stavka 3 i 4 ovog članka, vjerovnik može predložiti izdavanje privremene mjere u smislu članka 33 ovog zakona.

Prijenos ovlaštenja stečajnom upravitelju

Članak 43

- 1) Na dan otvaranja stečajnog postupka, ovlaštenja uprave, zastupnika i drugih organa dužnika prenose se na stečajnog upravitelja.
- 2) Ako se u stečajnom postupku radi o dužniku – poduzetniku, ovlaštenja iz stavka 1 ovog članka prenose se na stečajnog upravitelja s ograničenjima iz članka 17 stavak 3 ovog zakona.

Radni odnos

Članak 44

- (1) Radni odnos zaposlenih kod dužnika prestaje danom otvaranja stečajnog postupka.
- (2) Stečajni upravitelj mora obavijestiti nadležni organ za zapošljavanje o prestanku radnog odnosa zaposlenih kod dužnika, kako bi zaposleni mogli ostvarivati svoja prava.

Članak 45

- (1) U cilju izvršavanja zadataka iz članka 18 stavak 1 ovog zakona, a uz suglasnost stečajnog suca, stečajni upravitelj može izuzetno u pojedinačnim slučajevima s potrebnim brojem zaposlenih zaključiti ugovor o djelu i ugovor o radu na određeno vrijeme, u skladu s propisima o radnim odnosima, i može ovlastiti osobe da zastupaju dužnika u sudskim i upravnim postupcima.

- (2) Troškovi iz stavka 1 ovog članka uračunavaju se u troškove stečajnog postupka.

Postavljanje stečajnog upravitelja

Članak 46

- (1) Po otvaranju stečajnog postupka vrši se, u najkraćem roku, uvođenje u dužnost stečajnog upravitelja.
- (2) Poslije uvođenja u dužnost, stečajni upravitelj je dužan da ažurira knjigovodstvenu dokumentaciju do otvaranja stečajnog postupka i da izradi početni stečajni obračun na osnovu inventarisanja stanja na dan otvaranja stečajnog postupka.
- (3) Ako se prilikom izrade početnog stečajnog obračuna ustanovi da je stvarna vrijednost dužnikove imovine manja od knjigovodstvene vrijednosti, stečajni sudac će na prijedlog stečajnog upravitelja izdati rješenje o otpisu razlike vrijednosti na dan pokretanja stečajnog postupka.
- (4) Ako postoji odbor vjerovnika, obvezno je pribavljanje njegovog mišljenja o otpisima iz stavka 3 ovog članka.

Računi dužnika

Članak 47

- (1) Danom otvaranja stečajnog postupka gase se računi dužnika, a prestaju prava osoba koja su bila ovlaštena da raspolažu imovinom dužnika.
- (2) Banka koja za dužnika obavlja platne transakcije, dužna je da po zahtjevu stečajnog upravitelja otvori novi račun preko kojeg će se obavljati transakcije dužnika.
- (3) Sredstva s ugašenog dužnikovog računa prenose se na novootvoreni račun.
- (4) Stečajni upravitelj je dužan da o pokretanju stečajnog postupka bez odlaganja obavijesti banku koja za dužnika obavlja platne transakcije. Od momenta prijema ovog obavještenja, banka ne može vršiti isplatu s dužnikovog računa.

Naziv dužnika

Članak 48

Uz naziv dužnika dodaju se riječi "u stečaju" s naznačenjem novog broja računa preko kojeg se vrše transakcije dužnika.

Izvršenja i osiguranja

Članak 49

- (1) Danom otvaranja stečajnog postupka ne može se protiv dužnika dopustiti mjera osiguranja niti prinudnog izvršenja radi namirenja potraživanja u pogledu kojih postoji izvršna ili vjerodostojna isprava.
- (2) Postupci osiguranja i izvršenja iz stavka 1 ovog članka koji su u tijeku, prekidaju se.

- (3) Upisi u javne knjige mogu biti dozvoljeni i izvršeni poslije dana otvaranja stečajnog postupka, ako su uvjeti za upis ispunjeni a prijedlog za upis podnešen, prije dana otvaranja stečajnog postupka.
- (4) Stavak 1 ovog članka se neće primjenjivati za pravosnažne izvršne isprave koji se odnose na troškove stečajnog postupka, i neće se primjenjivati na obveze plaćanja pristojbe za radnje dužnika tijekom postupka.

Potraživanja vjerovnika

Članak 50

- (1) Na dan otvaranja stečajnog postupka nedospjela novčana i nenovčana potraživanja vjerovnika prema dužniku smatraju se dospjelim.
- (2) Nenovčana potraživanja vjerovnika prema dužniku postaju novčana potraživanja u skladu s cijenama na dan otvaranja stečajnog postupka.
- (3) Novčana i nenovčana potraživanja vjerovnika prema dužniku, koja se odnose na povremena davanja pretvaraju se u jednokratna novčana potraživanja.
- (4) Vjerovnikova potraživanja u stranoj valuti postaju potraživanja u domaćoj valuti utvrđena prema srednjem tečaju Centralne banke Bosne i Hercegovine na dan otvaranja stečajnog postupka.

Članak 51

Nedospjela novčana potraživanja na koja se ne računa kamata, snižavaju se (oduzimaju) za iznos kamate u skladu s kamatnom stopom propisanom Zakonom o visini stope zatezne kamate (u daljem tekstu: "zakonska kamata"), za period od dana otvaranja stečajnog postupka do dana dospjeća potraživanja. Na potraživanja koja su na ovaj način snižena, teče zakonska kamata od dana otvaranja stečajnog postupka do isplate.

Kamata

Članak 52

- (1) Danom otvaranja stečajnog postupka ne prestaje teći kamata na potraživanja od dužnika.
- (2) Na potraživanja iz članka 50 ovog zakona, teče zakonska kamata počev od dana otvaranja stečajnog postupka.

Zastarijevanje potraživanja

Članak 53

- (1) Prijavlivanjem potraživanja u stečajnu masu prekida se zastarijevanje potraživanja od dužnika.
- (2) Zastarijevanje potraživanja dužnika prema njegovima dužnicima ne teče jednu (1) godinu od dana otvaranja stečajnog postupka.

Uvjetna potraživanja

Članak 54

- (1) Vjerovniku čije je potraživanje vezano za odložni uvjet ili raskidni uvjet osiguravaju se odgovarajuća sredstva iz stečajne mase.
- (2) Ako odložni uvjet ne nastupi do konačne diobe stečajne mase, takvo potraživanje se gasi, a osigurana sredstva raspoređuju se na ostale vjerovnike.
- (3) Ako raskidni uvjetom ne nastupi do konačne diobe stečajne mase, uvjet se računa kao neprijavljen.

Prebijanje potraživanja

Članak 55

- (1) U stečajnom postupku dopušteno je prebijanje potraživanja vjerovnika s protupotraživanjem dužnika.
- (2) Potraživanja koja se mogu prebiti do otvaranja stečajnog postupka smatrat će se prebijenim i neće biti prijavljena u stečajnu masu.
- (3) Prebijaju se i potraživanja odnosno protupotraživanja koja nisu dospjela na dan otvaranja stečajnog postupka, kao i potraživanja odnosno protupotraživanja koja ne glase na novčani iznos.
- (4) Prebiti se mogu i uvjetna potraživanja ako to odobri stečajni sudac. Stečajni sudac može prebijanje ovih potraživanja uvjetovati polaganjem osiguranja od strane vjerovnika.
- (5) Vjerovnici čija se potraživanja prebijaju dužni su da o prebijanju obavijeste stečajnog upravitelja. Vjerovnik koji ne obavijesti stečajnog upravitelja odgovoran je za štetu i troškove.

Članak 56

- 1) Prebijanje nije dozvoljeno ako je potraživanje ustupljeno vjerovniku za posljednjih šest (6) mjeseci prije dana otvaranja stečajnog postupka, a vjerovnik je znao ili je mogao znati da je dužnik postao nesposoban za plaćanje ili da je protiv njega podnesen prijedlog za otvaranje stečajnog postupka ili postupka prinudnog poravnanja.
- 2) Izuzetno, prebijanje potraživanja dopušteno je ako su u pitanju potraživanja u vezi s izvršenjem neizvršenih ugovora ili potraživanja koja su oživjela pobijanjem pravnog posla dužnika.

Članak 57

Potraživanja vjerovnika koja su nastala prije dana otvaranja stečajnog postupka ne mogu se prebiti s protupotraživanjem stečajnog dužnika koje je nastalo poslije otvaranja stečajnog postupka.

Dvostrano teretni ugovori zaključeni prije otvaranja stečajnog postupka

Članak 58

Otvaranje stečajnog postupka nema pravnih posljedica na potraživanja stečajnog vjerovnika koja proizilaze iz dvostrano teretnog ugovora ako ni stečajni dužnik ni stečajni vjerovnik nisu ispunili svoje ugovorne obveze, ili nisu ispunili obveze iz ugovora u potpunosti.

Članak 59

- (1) Ako u periodu do otvaranja stečajnog postupka, ni stečajni dužnik ni druga strana u dvostrano teretnom ugovoru nije ispunila ugovorne obveze, ili ih nije u potpunosti ispunila, stečajni upravitelj može izvršiti ugovor i zahtijevati ispunjenje ugovornih obveza od druge strane ili odustati od ugovora. Stečajni upravitelj može odustati od ugovora u roku od tri (3) mjeseca od otvaranja stečajnog postupka.
- (2) Druga ugovorna strana može prije isteka vremena iz stavka 1 ovog članka, tražiti da se stečajni upravitelj izjasni u odgovarajućem roku da li ugovor održava na snazi ili odustaje od ugovora. Ako se stečajni upravitelj ne izjasni, smatrat će se da je odustao od ugovora.
- (3) Ako stečajni upravitelj odustane od ugovora, druga ugovorna strana može tražiti naknadu štete kao stečajni vjerovnik.
- (4) Ako je druga ugovorna strana dužna prva ispuniti ugovor, onda ona može odbiti da to učini sve dok dužnik ne pruži osiguranje.
- (5) Druga ugovorna strana ne može tražiti izvršenje fiksnih ugovora ako je rok isporuke poslije dana otvaranja stečajnog postupka, ali može tražiti naknadu štete kao stečajni vjerovnik.
- (6) Iznos naknade štete u smislu stavka 5 ovog članka, jednak je razlici između ugovorene kupoprodajne cijene robe i srednje tržišne cijene koju bi takva roba imala na dan koji je ugovorom određen kao dan isporuke robe u mjestu ispunjenja ugovora.

Članak 60

- (1) Ugovore o zakupu stečajni upravitelj može otkazati nezavisno od zakonskih ili ugovornih rokova i to svakog prvog dana u mjesecu s otkaznim rokom od trideset (30) dana.
- (2) Otkaz ugovora o zakupu u skladu sa stavkom 1 ovog članka ne utiče na pravo druge ugovorne strane na naknadu štete, u svojstvu stečajnog vjerovnika.

Nalozi i ponude

Članak 61

- (1) Izdati ili primljeni nalog dužnika prestaje da važi danom otvaranja stečajnog postupka.
- (2) Ponude učinjene dužniku ili ponude koje je dužnik učinio prestaju važiti danom otvaranja stečajnog postupka, ako do dana otvaranja postupka nisu prihvaćene.

Prava na potragu stvari

Članak 62

- (1) Prodavac kome kupovna cijena nije isplaćena u cijelosti, može tražiti da mu se vrati roba koja je iz drugog mjesta poslata dužniku prije dana otvaranja stečajnog postupka, a do dana otvaranja tog postupka nije prispjela na odredište, odnosno ako je do tog dana dužnik nije preuzeo (u daljem tekstu: pravo na potragu).
- (2) Pravo na potragu ima i komisionar za kupovinu robe.
- (3) Ako je dužnik preuzeo samo na čuvanje robu koja je stigla na odredište prije dana otvaranja stečajnog postupka, prodavac nema pravo na potragu ali ima pravo da redovnim putem ostvari svoja prava u pogledu te robe kao izlučni vjerovnik.

Pobijanje pravnih radnji stečajnog dužnika

Članak 63

- (1) Vjerovnici i stečajni upravitelj imaju pravo pobijati pravne radnje koje je dužnik poduzeo u posljednjoj godini prije dana otvaranja stečajnog postupka, ako se tim radnjama remeti ravnomjerno namirenje vjerovnika (oštetenje vjerovnika) odnosno kojima se pojedini vjerovnici stavljaju u povoljniji položaj (pogodovanje vjerovnika) i ako je druga strana prema kojoj su te radnje poduzete znala ili je trebala biti upoznata za nesposobnost dužnika za plaćanje.
- (2) Smatrat će se da je vjerovnik u čiju korist je poduzeta pravna radnja iz stavka 1 ovog članka znao ili je trebao biti upoznat sa nesposobnošću dužnika za plaćanje:
 1. ako je vjerovnik naplatio svoje potraživanje koje nije dospjelo ili je to učinio u obliku i na način koji nije uobičajen;
 2. ako je pravna radnja koja je predmet pobijanja učinjena u periodu od tri (3) mjeseca prije podnošenja prijedloga za otvaranje stečajnog postupka.

Članak 64

- (1) Vjerovnici i stečajni upravitelj imaju pravo pobijati pravne radnje poduzete od strane dužnika u periodu od jedne (1) godine prije dana otvaranja stečajnog postupka ako je osoba u čiju korist je radnja poduzeta dobila na osnovu pobijane pravne radnje imovinu dužnika bez naknade ili uz neznatnu naknadu.
- (2) Pravna radnja iz stavka 1 ovog članka odnosi se i na propust da se izvrši radnja, a posljedice tog nevršenja su da je dužnik izgubio određena materijalna prava ili su mu nametnute određene materijalne obveze.

Članak 65

Ne mogu se pobijati:

1. pravne radnje iz članka 125 ovog zakona koje je dužnik izvršio u okviru tekućeg poslovanja i transakcije izvršene s dopustom upravitelja u prinudnom poravnanju;
2. pravne radnje koje je dužnik poduzeo kako bi izvršio zaključeno prinudno poravnanje;
3. pravne radnje iz tekućeg poslovanja koje je dužnik izvršio nakon zaključenog prinudnog poravnanja, s izuzetkom pravnih radnji koje bi mogle štetiti vjerovnicima;
4. isplate po mjenicama i čekovima ako je druga strana morala primiti isplatu da ne bi izgubila pravo na regres protiv ostalih mjeničnih odnosno čekovnih obveznika.

Članak 66

- (1) Mogu se pobijati i pravne radnje iz članka 63 i 64 ovog zakona za koje već postoji izvršno sudsko rješenje ili koje su poduzete u postupku izvršenja.
- (2) Ako zahtjev za pobijanje pravnih radnji bude usvojen prestaje djelovanje izvršne isprave prema stečajnoj masi.

Članak 67

- (1) Tužba za pobijanje pravnih radnji može se podnijeti u roku od šest (6) mjeseci od dana otvaranja stečajnog postupka a najkasnije do diobne rasprave, ako se diobna rasprava održava u periodu od jedne godine od dana otvaranja stečajnog postupka.

- (2) Tužba iz stavka 1 ovog članka podnosi se protiv osobe u čiju korist je pobijana radnja poduzeta, njegovih nasljednika i pravnih sljedbenika imovine iz članka 63 i 64 ovoga zakona, kao i protiv dužnika ako on nije tužitelj.
- (3) Tužba protiv pravnih sljedbenika se može podnijeti:
 1. ako je pravni sljedbenik u vrijeme sticanja imovine imao saznanja o okolnostima koje opravdavaju pobijanje sticanja imovine u korist pravnog prethodnika,
 2. ako je pravni sljedbenik stekao imovinu bez naknade ili uz neznatnu naknadu.
- (4) Stečajni upravitelj može podnijeti tužbu za pobijanje pravnih radnji samo po odobrenju stečajnog suca.
- (5) Vjeriovnici i stečajni upravitelj mogu pobijati pravne radnje iz članka 63 i 64 ovog zakona, istaknuvši prigovore u parnici ili upravnom postupku bez vremenskog ograničenja iz stavka 1 ovog članka.

Članak 68

- (1) Ako zahtjev za pobijanje pravne radnje bude usvojen pobijana pravna radnja je bez pravnog djelovanja prema stečajnoj masi.
- (2) U slučaju iz stavka 1 ovog članka, osoba u čiju je korist pravna radnja poduzeta dužna je vratiti u stečajnu masu svu imovinsku korist stečenu nakon poduzimanja pobijane radnje, u skladu s općim propisima o povratu stvari koje su nezakonito stečene.

Razlučna i izlučna prava

Članak 69

- (1) Otvaranje stečajnog postupka ne utiče na prava odvojenog namirenja iz određenih stvari dužnika (založno pravo, pravo namirenja, pravo retencije i druga razlučna prava) kao i na prava izdvajanja stvari koja ne pripadaju dužniku (izlučna prava).
- (2) Razlučna prava stečena izvršenjem ili osiguranjem za posljednjih šesdeset (60) dana prije dana otvaranja stečajnog postupka prestaju važiti.
- (3) Razlučna prava ostaju na snazi ako se stečajni postupak ne sprovodi zbog razloga navedenih u članku 37 ovog zakona.
- (4) Ako je razlučno pravo koje je stečeno izvršenjem ostalo na snazi u smislu stavka 1 i 3 ovog članka, izvršenje se nastavlja na osnovu rješenja stečajnog suca iz članka 81 stavak 4 ovog zakona.

Članak 70

- (1) Ako dio imovine dužnika na kojem je stečeno razlučno pravo (posebna stečajna masa) nije dovoljan da se iz njega namiri potraživanje razlučnog vjerovnika u cjelini, razlučni vjerovnik ima pravo da nenamireni dio svog potraživanja ostvari kao stečajni vjerovnik.
- (2) Višak koji ostane po namirenju potraživanja razlučnog vjerovnika iz posebne stečajne mase unosi se u diobnu masu.

Okončanje hitnih poslova

Članak 71

- (1) Tijekom stečajnog postupka okončat će se samo oni započeti poslovi čije je izvršenje neophodno da bi se povećala stečajna masa, odnosno da bi se spriječilo smanjivanje stečajne mase, ukoliko se realizacija stečajne mase neće odgoditi okončanjem ovih poslova.
- (2) Stečajni sudac će na prijedlog stečajnog upravitelja i na osnovu pribavljenog mišljenja odbora vjerovnika, ako je osnovan, odlučiti koji se poslovi smatraju neophodnim u smislu stavka 1 ovog članka.

Članak 72

Tijekom stečajnog postupka, uz suglasnost stečajnog suca, novi ugovori mogu biti zaključeni samo u cilju unovčenja imovine dužnika i radi okončanja započelih poslova i poslova neophodnih da bi se spriječilo nastupanje štete na imovini dužnika.

Nastavak poslovanja i tekući poslovi tijekom stečaja

Članak 73

- (1) Pored odredbi člaka 71 i 74 ovog zakona, nakon otvaranja stečajnog postupka stečajni dužnik može nastaviti poslovanje i vršenje ostalih tekućih poslova pod sljedećim uvjetima:
 1. ako stečajni upravitelj podnese prijedlog za prinudno poravnanje ili
 2. ako stečajni upravitelj podnese elaborat o mogućnosti prodaje stečajnog dužnika kao pravne osobe, iz kojeg se vidi da bi vrijednost stečajnog dužnika kao pravne osobe opala, zbog prekida poslovanja.
- (2) Stečajni sudac će dozvoliti nastavak poslovanja i izvršavanje drugih aktivnosti iz stavka 1 ovog članka na prijedlog stečajnog upravitelja i nakon pribavljenog mišljenja odbora vjerovnika ako se ovakav odbor uspostavi.
- (3) U slučaju iz točke 2 prvog stavka ovog članka, stečajni sudac će rješenjem, kojim se dozvoljava nastavak poslovanja i izvršavanje ostalih tekućih aktivnosti, utvrditi rok u kome stečajni upravitelj mora pripremiti prijedlog za prodaju dužnika kao pravne osobe. Gore navedenim rješenjem stečajni sudac također imenuje odbor vjerovnika u skladu s propisima o imenovanju odbora vjerovnika u postupku prinudnog poravnanja, ako ovaj odbor nije prethodno osnovan.
- (4) Ako stečajni sudac dozvoli nastavak proizvodnje i izvršavanje drugih tekućih aktivnosti, stečajni upravitelj može otuđiti i opteretiti imovinu stečajnog dužnika i dati garanciju ili aval samo s dozvolom stečajnog suca. Stečajni sudac također može zaključivanje ostalih ugovora u vezi s nastavkom proizvodnje i izvršavanjem tekućih aktivnosti uvjetovati svojim pristankom.
- (5) Ako stečajni sudac dozvoli nastavak proizvodnje i vršenje ostalih tekućih aktivnosti, stečajni upravitelj mora podnositi mjesečna izvješća stečajnom sucu o poslovanju i mora priložiti ažurirani mjesečni obračun, izvješće o profitu i gubicima kao i izvješće o kretanju sredstava.
- (6) Ako stečajni sudac dozvoli nastavak proizvodnje i izvršavanje drugih tekućih aktivnosti, stečajni upravitelj mora zaključiti ugovor o radu na određeno vrijeme s potrebnim brojem radnika.

Članak 74

Potraživanja vjerovnika koja se pojave na osnovu pravnog posla iz članka 71, 72 i 73 ovog zakona računaju se u troškove stečajnog postupka.

Prijavljivanje potraživanja

Članak 75

- (1) Vjerovnici moraju prijaviti svoja potraživanja stečajnom sucu u roku od šesdeset (60) dana od dana objavljivanja otvaranja stečajnog postupka u "Službenom glasniku Brčko Distrikta Bosne i Hercegovine" ili u "Službenom glasniku Bosne i Hercegovine".
- (2) Pored odredbe stavka 1 ovog članka, vjerovnici su dužni prijaviti:
 1. potraživanje koje je nastalo zbog odustajanja od ugovora u roku od trideset (30) dana od dana kada je vjerovnik primio obavještenje stečajnog upravitelja o odustajanju od ugovora;
 2. potraživanja koja su nastala kao rezultat uspješnog pobijanja u roku od trideset (30) dana od pravosnažnosti presude.
- (3) Vjerovnici prijavljuju potraživanja pismeno i u prijavi moraju naznačiti:
 1. naziv, odnosno ime i adresu vjerovnika;
 2. pravni osnov i iznos potraživanja;
 3. broj računa vjerovnika.
- (4) Ako se prijavljuju potraživanja po kojim je parnični postupak u tijeku, u prijavi se navodi sud pred kojim se vodi postupak s oznakom spisa.
- (5) Razlučni vjerovnici označavaju u prijavi dio imovine dužnika na koji se njihov zahtjev odnosi i iznos do kojeg njihova potraživanja neće biti pokrivena razlučnim pravom.
- (6) Izlučni vjerovnici označavaju u prijavi dio imovine na koji se njihov zahtjev odnosi.
- (7) Stečajni sudac će odbaciti prijavljena potraživanja vjerovnika podnešena nakon isteka roka iz stavka 1 i 2 ovog članka.

Članak 76

Potraživanja prijavljena povodom oglasa za zaključenje prinudnog poravnanja također će se smatrati prijavljenim tijekom stečajnog postupka.

Članak 77

- (1) Solidarni dužnici i jamci dužnika mogu kao stečajni vjerovnici tražiti da im se vrati ono što su za dužnika platili prije ili poslije dana otvaranja stečajnog postupka, ako im pripada pravo na regres prema dužniku.
- (2) Solidarni dužnici i jamci mogu podnijeti i zahtjev da im se osigura iznos koji plate za dužnika srazmjerno iznosu koji bi im pripadao kao stečajnim vjerovnicima (članak 54 stavak 1 i 2).

Članak 78

Vjerovnik kome solidarni dužnici duguju na osnovu istog potraživanja može prijaviti ovakvo potraživanje u čitavom iznosu u stečajnom postupku svakog solidarnog dužnika dok se ne isplati u potpunosti.

Ispitivanje prijavljenih potraživanja

Članak 79

- (1) Prijavljena potraživanja vjerovnika ispituju se na ročištu za ispitivanje potraživanja.

- (2) Na ročištu za ispitivanje potraživanja sudjeluju stečajni upravitelj, vjerovnici koji su prijavili svoja potraživanja, kao i druge osobe koje, s obzirom na poslove koje su obavljale kod ili za dužnika, imaju saznanja o postojanju i visini prijavljenih potraživanja.
- (3) Ročište za ispitivanje potraživanja održat će se i bez prisustva svih vjerovnika koji su prijavili svoja potraživanja a uredno su pozvani.

Članak 80

- (1) Stečajni upravitelj dužan je da se o svakom prijavljenom potraživanju izjasni da li ga priznaje ili osporava. Stečajni upravitelj može prije saslušanja pripremiti spisak prijavljenih potraživanja navodeći koja od prijavljenih potraživanja priznaje a koja osporava.
- (2) Vjerovnici mogu osporavati prijavljena potraživanja.
- (3) Prijavljeno potraživanje smatra se utvrđenim ako ga prizna stečajni upravitelj a ne ospori nijedan od vjerovnika prisutnih na ročištu za ispitivanje potraživanja.
- (4) Stečajni sudac može dozvoliti stečajnom upravitelju da se izjasni o pojedinačnom potraživanju, koje je blagovremeno prijavljeno, na jednom od sljedećih ročišta za ispitivanje potraživanja.

Članak 81

- (1) Stečajni upravitelj je dužan da se izjasni da li priznaje ili osporava svako prijavljeno razlučno ili izlučno pravo.
- (2) Vjerovnici mogu osporavati prijavljena razlučna ili izlučna prava.
- (3) Ako se stečajni upravitelj izjasni da priznaje izlučno pravo a niti jedan od vjerovnika ne ospori to pravo, stečajni sudac će donijeti rješenje kojim obvezuje stečajnog dužnika da isporuči vjerovniku dio stvari na koje se odnosi priznato izlučno pravo, ako povodom ovakvog potraživanja nije donijeta drugačija pravosnažna odluka. Protiv ovoga rješenja nije dozvoljena žalba.
- (4) Ako stečajni vjerovnik prizna potraživanje i pravo na posebnu isplatu tog potraživanja iz dijela imovine dužnika za koja postoji razlučno pravo, a ni potraživanje niti razlučno pravo nije osporena od bilo kog vjerovnika, stečajni sudac će donijeti rješenje o nastavku izvršenja, odnosno rješenje o utvrđenju potraživanja i obvezi stečajnog dužnika da plati utvrđeno potraživanje iz dijela sredstava za koje postoji razlučno pravo. Protiv ovoga rješenja nije dozvoljena žalba.
- (5) Ako stečajni upravitelj ili neko od vjerovnika ospori neko izlučno odnosno razlučno pravo koje je stečeno upisom u zemljišnu knjigu ili ako je izlučni ili razlučni vjerovnik već stekao izvršnu ispravu za ovo pravo, stečajni sudac će uputiti stečajnog upravitelja ili vjerovnika koji je osporio pravo, da pokrene postupak pred sudom ili drugim organom u roku od petnaest (15) dana od dana dostavljanja rješenja, radi utvrđenja nepostojanja osporenog potraživanja. U svim ostalim slučajevima stečajni sudac upućuje izlučnog i razlučnog vjerovnika da ostvaruje svoje pravo u istom roku pred sudom ili drugim organom.
- (6) Ako stečajni upravitelj ili vjerovnik iz stavka 5 ovog članka ne pokrene postupak u propisanom roku, smatrat će se da je izlučno odnosno razlučno pravo priznato, a stečajni sudac će na prijedlog izlučnog odnosno razlučnog vjerovnika donijeti rješenje iz stavka 3 ili 4 ovog članka.

Članak 82

- (1) Stečajni sudac će rješenjem uputiti vjerovnika čije je potraživanje osporeno da u roku od petnaest (15) dana od dana dostavljanja rješenja, pokrene postupak pred sudom ili drugim organom radi utvrđivanja osporenog potraživanja.

- (2) Ako vjerovnik iz stavka 1 ovog članka ne pokrene postupak u propisanom roku, njegovo potraživanje neće biti uzeto u obzir prilikom podjele stečajne mase.
- (3) Ako stečajni upravitelj ili drugi vjerovnik ospori potraživanje vjerovnika koji je već primio konačnu izvršnu ispravu za ovo potraživanje, stečajni sudac će uputiti osobu koja osporava potraživanje da u roku od petnaest (15) dana od dana dostavljanja rješenja, pokrene postupak pred sudom ili drugim organom, radi utvrđenja da ne postoji osporeno potraživanje.
- (4) Ako stečajni upravitelj ili vjerovnik iz stavka 3 ovog članka ne pokrene postupak u propisanom roku, smatrat će se da je potraživanje utvrđeno.
- (5) Vjerovnik koji pokrene postupak u skladu sa stavkom 1 i 3 ovog članka, dužan je o tome obavijestiti stečajnog suca. Ukoliko vjerovnik ne postupi na ovaj način snosit će odgovornost za štetu koja na ovaj način bude prouzročena.

Članak 83

- (1) Troškovi postupka iz članka 82 stavak 1 i 3 ovog zakona, uključuju se u troškove stečajnog postupka, ako stečajni upravitelj neosnovano ospori potraživanje.
- (2) Stečajni sudac može odrediti da troškove iz stavka 1 ovog članka snosi stečajni upravitelj, ako je iz objesti osporio potraživanje ili je na takav način vodio postupak.

Prodaja dužnika

Članak 84

- (1) Stečajni sudac može na osnovu stručne procjene i mišljenja, odlučiti da se dužnik proda kao pravna osoba, ako postoji suglasnost odbora vjerovnika, ukoliko je osnovan i nakon što pribavi mišljenje stečajnog upravitelja.
- (2) Izjavu o suglasnosti iz stavka 1 ovog članka, odbor vjerovnika je dužan dati u roku od osam (8) dana od prijema poziva da se izjasni. Ako se odbor vjerovnika u tom roku ne izjasni, smatrat će se da je suglasan da se dužnik proda kao pravna osoba.
- (3) Prodaja dužnika kao pravne osobe obavlja se po pravilu javnim nadmetanjem, prikupljanjem ponuda ili neposrednom pogodbom.
- (4) Prodaja dužnika kao pravne osobe može se odrediti samo uz uvjet da se na taj način postignu povoljniji uvjeti za namirenje vjerovnika.
- (5) Stečajni upravitelj kao predstavnik stečajnog dužnika zaključuje ugovor o prodaji dužnika kao pravne osobe.

Članak 85

- (1) Stečajni sudac donosi odluku o predaji prodatog dužnika kao pravne osobe kupcu, kada kupac plati iznos prodajne cijene.
- (2) Stečajni sudac može donijeti odluku o predaji prodatog dužnika kao pravne osobe kupcu, prije isplate prodajne cijene, ako kupac podnese neopozivu bankarsku garanciju na prvi poziv ili ako pruži drugo odgovarajuće osiguranje za plaćanje prodajne cijene.
- (3) Sredstva od prodaje dužnika kao pravne osobe stavljaju se u stečajnu masu.
- (4) Nakon isplate prodajne cijene, stečajni sudac će obustaviti stečajni postupak protiv prodatog pravne osobe i nastaviti će ga protiv stečajne mase iz koje se isplaćuju vjerovnici.

- (5) Za potraživanja protiv dužnika koja su nastala do obustave stečajnog postupka ni dužnik ni njegov kupac ne odgovaraju vjerovnicima.
- (6) Prodaja dužnika kao pravne osobe ne utiče na izlučno pravo.
- (7) Razlučna prava ostaju na snazi nakon prodaje dužnika kao pravne osobe. Ova prava prestaju da postoje u mjeri u kojoj će biti realizirana u nastavku stečajnog postupka u skladu sa stavkom 4 ovog članka.
- (8) Odluke o prestanku radnog odnosa zaposlenih ostaju na snazi (članak 44 stavak 1).

Članak 86

Ukoliko nije drugačije određeno u poglavlju o prodaji dužnika, za prodaju će se primjenjivati odredbe o unovčavanju imovine dužnika.

Unovčavanje imovine dužnika

Članak 87

- (1) Imovina dužnika koja ulazi u stečajnu masu prodaje se, po pravilu, javnim nadmetanjem.
- (2) Stečajni sudac može također, po prethodno pribavljenom mišljenju odbora vjerovnika, odabrati drugi način prodaje (prikupljanjem ponuda ili neposrednom pogodbom), ukoliko zakonom nije drugačije određeno.
- (3) Osobe koje imaju pravo preče kupovine obavještavaju se o prodaji imovine dužnika.
- (4) Ukoliko je izlučni ili razlučni vjerovnik blagovremeno prijavio svoje izlučno ili razlučno pravo i blagovremeno započeo postupak iz članka 81 stavak 5 ovog zakona, stečajni upravitelj ne može prodati dio imovine, na kojem je vjerovnik zasnovao izlučno ili razlučno pravo, sve dok vjerovnikovo izlučno ili razlučno potraživanje ne bude odbijeno na pravovaljan način.

Članak 88

- (1) Imovina, ili dio imovine koja čini funkcionalnu cjelinu u procesu proizvodnje (postrojenja, strojevi i sl.) prodaje se, po pravilu, javnim nadmetanjem, i to ponajprije kao cjelina sa zgradom i zemljištem, a ako to nije moguće onda bez zgrade i zemljišta.
- (2) Za zgradu koja je namijenjena obrazovanju, znanosti, kulturi, zdravstvu i socijalnoj skrbi, kao i stvari ugrađene u te zgrade koje služe obrazovanju, nauci, kulturi, zdravlju i socijalnom osiguranju, odredit će se pravo preče kupovine osobama kojima ispunjavaju uvjete za vršenje tih djelatnosti.

Članak 89

- (1) Prije dana određivanja javne prodaje, sudskim vještačenjem procjenjuje se stvarna vrijednost stvari i prava koja su predmet prodaje.
- (2) Stečajni sudac određuje cijenu u skladu s mišljenjem stečajnog upravitelja i odbora vjerovnika, ukoliko je takav odbor obrazovan.
- (3) Početna prodajna cijena ne može biti niža od polovine procjenjene vrijednosti.
- (4) Ako se prodaja ne može izvršiti po cijeni iz stavka 3 ovog članka, stečajni sudac može odobriti prodaju po nižoj cijeni.
- (5) Ako se od vremena kada je obavljena procjena vrijednosti stvari ili prava do njihove prodaje, vrijednost stvari ili prava znatnije izmijeni, odredit će se nova cijena.

Članak 90

- (1) Stečajni sudac rješenjem kojim određuje prodaju također utvrđuje:
 1. način prodaje;
 2. početnu cijenu ako je u pitanju javno nadmetanje ili najnižu prodajnu cijenu u slučaju prikupljanja ponuda ili neposredne prodaje;
 3. rok u kome kupac mora isplatiti kupovnu cijenu;
 4. iznos osiguranja koji ne može biti niži od 10% od cijene iz točke 2 ovog stavka;
 5. način polaganja osiguranja (na primjer uplatom na račun stečajnog dužnika, predajom bariranog čeka ili neopozive bankarske garancije po prvom pozivu);
 6. način osiguranja isplate kupovne cijene i rok za predaju sredstva osigurana u slučaju da je rok za isplatu kupovne cijene duži od petnaest (15) dana;
 7. uvjeti predaje prodane stvari ili predaje prodatog prava.
- (2) Rok u kome kupac mora isplatiti kupovnu cijenu ne može biti duži od šest (6) mjeseci od dana potpisivanja ugovora, bez obzira da li se kupovna cijena isplaćuje odjednom ili u ratama.
- (3) Predaja prodane stvari ili predaja prodatog prava neće se dozvoliti prije isplate kupovne cijene ili pribavljanja osiguranja iz stavka 1 točka 7 ovog članka.

Članak 91

- (1) Kupac ne može biti :
 1. stečajni sudac, stečajni upravitelj ili druga osoba koja zvanično sudjeluje u prodaji,
 2. osoba koja je u poslednjih pet (5) godina prije otvaranja stečajnog postupka obavljala kod dužnika funkciju člana uprave, člana nadzornog odbora, radnika s posebnim ovlaštenjima ili prokuriste,
 3. pravna osoba, ako je njegov vlasnik ili suvlasnik najmanje jedne desetine (1/10) osnovnog kapitala osoba iz točke 2 ovog stavka ili članak njegove obitelji.
- (2) Pod članom obitelji iz prethodnog stavka podrazumijeva se supružnik, osoba sa kojom se živi u izvanbračnoj zajednici, usvojenik, usvojilac, srodnik u pravoj liniji, srodnik u pobočnoj liniji do četvrtog stupnja srodstva i tazbinski srodnik do četvrtog stupnja srodstva.
- (3) Prije zaključenja pravnog posla prodaje dužnika, kupac je dužan stečajnom upravitelju priložiti javnu ispravu nadležnog organa, kojom se dokazuje ili potvrđuje, da ne postoje činjenice ili okolnosti iz stavka 1 točke 2 i 3 ovog članka ili ovjerenu izjavu s kojom pod materijalnom i krivičnom odgovornošću izjavljuje da ne postoje činjenice ili okolnosti iz stavka 1 točke 2 i 3 ovog članka.

Članak 92

- (1) Stečajni upravitelj prodaje imovinu prema uputstvima i pod nadzorom stečajnog suca.
- (2) Javna ponuda ili poziv za prikupljanje ponuda oglašava se na oglasnoj ploči suda. Ako se radi o stvarima ili pravima veće vrijednosti, nepokretnostima i uređajima, o čemu odlučuje stečajni sudija, oglašavanje se vrši u dnevnom tisku najkasnije osam (8) dana prije prodaje.
- (3) Pored navedenog u članku 90 stavak 1 ovog zakona, oglas iz ovog članka sadrži i vrijeme kada se predmeti koji su na prodaji, mogu razgledati kao i vrijeme i mjesto prodaje.
- (4) Po izvršenom javnom nadmetanju ili zaključenju postupka za prikupljanje ponuda, stečajni upravitelj će sačiniti, u ime stečajnog dužnika, ugovor s osobom koja je u nadmetanju ponudilo najvišu cijenu.

- (5) Ako je javna prodaja ostala u cjelini ili djelomično neuspješna, stečajni upravitelj može u suglasnosti sa stečajnim sucom i odborom vjerovnika, nakon ročišta za javnu prodaju, prodati stvari i prava koja su predmet prodaje, po cijeni nižoj od početne cijene. Stečajni sudac i odbor vjerovnika dužni su suglasnost za prodaju da daju odmah ili najkasnije u roku od tri (3) dana po pozivu stečajnog upravitelja.

Članak 93

- (1) Isplatom kupovne cijene sva založna prava kao i stvarni tereti koji su postojali na prodatoj stvari ili prodatim pravima prestaju da postoje.
- (2) Razlučni vjerovnici čija su potraživanja i razlučna prava priznata namiruju se prvi iz kupovne cijene.
- (3) Ukoliko je jedan razlučni vjerovnik u stečajnom postupku blagovremeno prijavio i svoje potraživanje i svoje razlučno pravo na prodatoj stvari, a potraživanje ili razlučno pravo je osporeno, odgovarajući dio će se izdvojiti, u skladu s člankom 97 ovog zakona, iz prodajne cijene kao osiguranje isplate do donošenja pravosnažne odluke u postupku iz članka 81 stavak 5 ovog zakona.

Članak 94

Odredbe općih propisa o obveznim i materijalno pravnim posljedicama prodaje prinudnim javnim nadmetanjem primjenjuju se i na prodaju imovine stečajnog dužnika na drugi način.

Članak 95

- (1) Ukoliko imovina koja čini stečajnu masu ne bude prodana, podijelit će se među vjerovnicima koji je prihvataju, vodeći računa o iznosu njihovih potraživanja.
- (2) Imovina koja se nije mogla rasporediti vjerovnicima u smislu prethodnog stavka ovog članka, predaje se Brčko Distriktu BiH na upravljanje.

Namirenje vjerovnika

Članak 96

Prije nego što se pristupi namirivanju vjerovnika, iz stečajne mase izdvojit će se iznos potreban za plaćanje troškova stečajnog postupka. Vjerovnici se namiruju iz preostalog dijela (diobna masa).

Članak 97

- (1) Srazmjerni dio sredstava bit će izdvojen iz stečajne mase radi osiguranja osporenih potraživanja onih vjerovnika koji su blagovremeno pokrenuli poseban postupak za utvrđivanje svojih potraživanja.
- (2) Ukoliko vjerovnik ne uspije u posebnom postupku pokrenutom radi utvrđivanja svog osporenog potraživanja, izdvojena sredstva će se podijeliti na druge vjerovnike.

Članak 98

- (1) Dugovi dužnika isplaćuju se srazmjerno iz diobne mase ako zakonom nije drugačije određeno.

- (2) Izuzetno od stavka 1 ovog članka, sve zaostale plaće zaposlenika u visini garantovanih do dana otvaranja stečajnog postupka, doprinosa na te plaće, naknade za povrede na radu koju je zaposlenik pretrpio na radnom mjestu dužnika, kao i naknade za profesionalna oboljenja, namiruju se kao troškovi stečajnog postupka.
- (3) Kao troškovi stečajnog postupka se plaćaju također i potraživanja vjerovnika nastala nakon otvaranja postupka prinudnog poravnjenja na osnovu pravnih poslova, potrebnih za nastavak proizvodnje ili rada tijekom ovog perioda, izuzev ako su vjerovnici prihvatili ugovorom iz članka 141 stavak 6 ovog zakona, da pretvore potraživanja u dionice ili udjele.
- (4) Neisplaćene plaće dužnikovih zaposlenika iznad iznosa određenih u stavku 2 ovog članka, namiruju se u skladu sa stavkom 1 ovog članka.
- (5) Dugovi diobne mase ne predstavljaju novčane kazne.

Članak 99

Ako je vjerovnicima priznato potraživanje s raskidnim uvjetom, njima se prilikom glavne diobe isplaćuje srazmjerni dio njihovog potraživanja ukoliko prilože osiguranje da će ono što su primili vratiti ako se do konačne diobe ispuni raskidni uvjet. Ako vjerovnik ne podnese osiguranje, srazmjerni dio njegovog potraživanja isplaćuje se konačnom diobom ukoliko se do tog vremena ne ispuni raskidni uvjet.

Članak 100

Diobi se pristupa kada je znatan dio imovine unovčen.

Članak 101

- (1) Stečajni sudac odobrava na osnovu prijedloga stečajnog upravitelja nacrt za glavnu diobu.
- (2) Nacrt za glavnu diobu sadrži podatke o:
 1. visini novčanih sredstava namjenjenih za diobu;
 2. vjerovnicima i iznosu njihovih priznatih potraživanja;
 3. vjerovnicima koji imaju osiguranje potraživanja i iznosi njihovih potraživanja;
 4. procentualnom sudjelovanju potraživanja pojedinačnog vjerovnika u odnosu na iznos potraživanja iz točaka 2 i 3 ovog stavka;
 5. procentu i iznosu do kog će potraživanja iz točke 2 ili osiguranog potraživanja iz točke 3 ovog stavka, biti isplaćivana.

Članak 102

- (1) Vjerovnici će biti pozvani na ročište za raspravu o nacrtu za glavnu diobu, oglasom objavljenim u "Službenom glasniku Brčko Distrikta Bosne i Hercegovine" i "Službenom glasniku Bosne i Hercegovine" najmanje trideset (30) dana prije ročišta i istaknutim na oglasnu ploču suda. Stečajni sudac će također u oglasu obavijestiti vjerovnike gdje i kada mogu da pregledaju nacrt glavne diobe.
- (2) Stečajni sudac može, prema okolnostima slučaja, odlučiti da se oglas objavi i preko javnih glasila.

Članak 103

- (1) Na ročištu za raspravljanje o nacrtu za glavnu diobu vjerovnici mogu podnositi prigovore na nacrt.
- (2) Nakon rasprave o glavnoj diobi stečajni sudac donosi rješenje o glavnoj diobi.

- (3) O prigovorima stečajni sudac odlučuje u rješenju o glavnoj diobi.
- (4) Rješenje o glavnoj diobi dostavlja se stečajnom upravitelju i postavlja se na oglasnu ploču suda.

Članak 104

Na osnovu pravosnažnog rešenja o glavnoj diobi, stečajni upravitelj isplaćuje potraživanja vjerovnicima u roku od petnaest (15) dana po pravosnažnosti.

Članak 105

- (1) Naknadna dioba se provodi prema pristicanju sredstava dužnika.
- (2) O naknadnoj diobi odlučuje stečajni sudac rješenjem.

Članak 106

Sredstva koja preostanu nakon potpune isplate vjerovnika, podijelit će se dioničarima ili vlasnicima udjela, srazmjerno nominalnoj vrijednosti njihovih dionica ili udjela, osim ako osnivačkim aktom dužnika nije određen prioritet u isplati za pojedine klase dionica ili udjela, ili ako je zakonom određeno drugačije.

Zaključenje stečajnog postupka

Članak 107

- (1) Kada stečajni sudac primi od stečajnog upravitelja izvješće da su svi poslovi iz stečajnog postupka okončani, donosi rješenje o zaključenju stečajnog postupka.
- (2) Stečajni sudac objavljuje rješenje o zaključenju stečajnog postupka u "Službenom glasniku Brčko Distrikta Bosne i Hercegovine" i u "Službenom glasniku Bosne i Hercegovine".
- (3) Po zaključenju stečajnog postupka, stečajni upravitelj podnosi stečajnom sucu završni izvještaj o svom poslovanju.
- (4) Kad razmotri izvještaj, stečajni sudac razrješava stečajnog upravitelja, a ako u njegovom poslovanju postoje nepravilnosti poduzima protiv njega odgovarajuće mjere.

Članak 108

- (1) Ukoliko nakon otvaranja stečajnog postupka stečajni sudac utvrdi da bi dalje vođenje postupka prouzročilo nesrazmjerne troškove, obustavit će unovčenje diobne mase i zaključiti postupak.
- (2) Stečajni sudac može u slučaju iz stavka 1 ovog članka odlučiti da se pojedine stvari iz diobne mase ili pojedina potraživanja prenesu na pojedine vjerovnike, vodeći računa o visini njihovih utvrđenih potraživanja.

Upis u registar

Članak 109

- (1) Prijedlog za otvaranje stečajnog postupka, rješenje o određivanju ograničenja iz članka 33 stavak 1 točka 1 i 3 ovog zakona, rješenje o otvaranju stečajnog postupka i pravosnažno rješenje o zaključenju ili obustavi stečajnog postupka upisuju se po službenoj dužnosti u sudski registar i druge službene evidencije.
- (2) Danom upisa u sudski registar rješenja o zaključenju stečajnog postupka, dužnik kao pravna osoba prestaje da postoji i prethodni upisi iz stavka 1 ovog članka se brišu.
- (3) U slučaju prodaje dužnika kao pravne osobe, na osnovu pravosnažnog rješenja o obustavi postupka iz članka 85 stavak 4 ovog zakona, upisi u vezi sa stečajnim postupkom se brišu po službenoj dužnosti iz sudskog registra i kupac se upisuje u sudski registar kao osnivač prodane pravne osobe.

Prinudno poravnanje u stečaju

Članak 110

- (1) Do ročišta za raspravu po nacrtu za glavnu diobu, stečajni upravitelj i vlasnici većinskog djela kapitala u stečajnom dužniku koji je pravna osoba, poduzetnik kao stečajni dužnik ili odbor vjerovnika, ako je osnovan, mogu podnijeti prijedlog za otvaranje postupka prinudnog poravnanja.
- (2) Prije nego što donese odluku po prijedlogu iz stavka 1 ovog članka, stečajni sudac može odlučiti da se odloži unovčavanje imovine dužnika.
- (3) Stečajni sudac odlučuje po prijedlogu iz stavka 1 ovog članka u roku od petnaest (15) dana od dana podnošenja prijedloga. Stečajni sudac prethodno mora pribaviti mišljenje odbora vjerovnika, ako odbor vjerovnika nije predlagač, ukoliko takav odbor postoji, kao i stečajnog upravitelja ukoliko on nije predlagač.
- (4) Stečajni sudac sprovodi postupak prinudnog poravnanja a stečajni upravitelj sprovodi sve dužnosti upravitelja prinudnog poravnanja.
- (5) Ako se prinudno poravnanje odobri, stečajni postupak se obustavlja.
- (6) Obustavom stečajnog postupka iz stavka 5 ovog članka prestaju i pravne posljedice otvaranja stečajnog postupka.
- (7) U slučaju obustave stečajnog postupka iz stavka 5 ovog članka, odluke o prestanku radnog odnosa zaposlenika (članak 44 stavak 1) ostaju na snazi.

Članak 111

- (1) Odredbe o najmanjim procentima i o rokovima isplate vjerovnika iz članka 146 ovog zakona neće se primjenjivati na postupak prinudnog poravnanja u stečaju.
- (2) Ukoliko člankom 110 ovog zakona ili ovim člankom nije drugačije određeno, na postupak prinudnog poravnanja u stečaju primjenjivat će se odredbe ovog zakona o prinudnom poravnanju.

IV - SKRAĆENI STEČAJNI POSTUPAK

Članak 112

- (1) Ukoliko prema prethodnoj procjeni stečajna masa ne vrijedi više od 50.000 KM (stečaj male vrijednosti) primjenit će se skraćeni stečajni postupak.
- (2) Kada stečajni sudac donese rješenje o otvaranju stečajnog postupka, istovremeno će donijeti rješenje o tome da li će se primjeniti skraćeni stečajni postupak. Stečajni sudac također donosi takvo rješenje i u redovnom stečajnom postupku ukoliko postane očigledno da je stečaj male vrijednosti.
- (3) Ako tijekom skraćenog stečajnog postupka postane očigledno da stečajni postupak koji je započet po skraćenom postupku ili je određen kao skraćeni postupak, nije male vrijednosti u smislu stavka 1 ovog članka, stečajni sudac će donijeti rješenje o uspostavljanju redovnog stečajnog postupka.
- (4) Protiv rješenja stečajnog suca iz stavka 2 i 3 ovog članka nije dozvoljena žalba.

Članak 113

U skraćenom stečajnom postupku važe sljedeće odredbe:

1. sudski zapisnik se skraćuje i sadrži samo izvještaje i prijedloge stranaka, kao i odluke suda,
2. odluke suda koje nisu vezane za otvaranje ili zaključivanje stečajnog postupka neće se objavljivati,
3. izvršni organ izvršava popis stečajne mase,
4. u skraćenom stečajnom postupku ne osniva se odbor vjerovnika,
5. stečajni sudac može zakazati ročište radi ispitivanja potraživanja već sljedećeg dana nakon isteka roka za prijavljivanje potraživanja. Na ovom ročištu se također može odlučiti, ukoliko je moguće i izvodljivo, o podjeli stečajne mase.

V - PRINUDNO PORAVNANJE

Članak 114

Organi u postupku prinudnog poravnanja su: sudac prinudnog poravnanja (u daljem tekstu: sudac poravnanja) i upravitelj prinudnog poravnanja (u daljem tekstu: upravitelj poravnanja).

Članak 115

- (1) Kada sudac poravnanja utvrdi da su ispunjeni uvjeti za otvaranje postupka prinudnog poravnanja, odredit će upravitelja poravnanja.
- (2) Uvjeti koji važe za određivanje stečajnog upravitelja u stečajnom postupku, primjenjuju se i na određivanje upravitelja poravnanja.

Članak 116

- (1) Upravitelj poravnanja je naročito dužan da:
 1. utvrdi stanje imovine i tekućih poslova dužnika,
 2. utvrdi listu vjerovnika i listu dužnikovih dužnika,
 3. prizna potraživanje vjerovnika,
 4. ospori potraživanja vjerovnika koja nisu osnovana, ako postoje razlozi za sumnju u njihovu osnovanost,
 5. izvjesti suca poravnanja ako dužnik postupa suprotno članku 125 ovog zakona,
 6. vrši druge dužnosti određene zakonom.
- (2) Dužnik i vjerovnici mogu sucu poravnanja uložiti prigovore na rad upravitelja prinudnog poravnanja.
- (3) Upravitelj prinudnog poravnanja može s dozvolom suca poravnanja, određene poslove povjeriti sudskom vještaku.

Članak 117

- (1) Upravitelj prinudnog poravnanja ima pravo na naknadu opravdanih troškova i na nagradu za svoj rad. Troškovi i nagrada za rad upravitelju prinudnog poravnanja, isplaćuju se iz uplaćenog predujma.
- (2) O visini naknade i nagrada upravitelja prinudnog poravnanja odlučuje sudac poravnanja.

Članak 118

- (1) Odredbe ovog zakona koje se odnose na nadzor nad radom stečajnog upravitelja, shodno se primjenjuju na nadzor nad radom upravitelja poravnanja.
- (2) Protiv odluke suca poravnanja u vršenju nadzora nad radom upravitelja poravnanja, nije dozvoljena žalba.

Članak 119

- (1) Radi zaštite interesa vjerovnika u postupku prinudnog poravnaja, sudac poravnanja imenuje odlukom, koja je sastavni dio rješenja o otvaranju postupka prinudnog poravnanja, odbor vjerovnika s liste vjerovnika iz članka 122 stavak 1 točka 3 ovog zakona, odnosno između vjerovnika koji su prijavili potraživanja, a nisu na toj listi vjerovnika. Odbor vjerovnika ima neparan broj članova i to ne manje od pet (5).

- (2) Na obrazložen prijedlog odbora vjerovnika, sudac poravnanja može zamijeniti članove odbora vjerovnika iz stavka 1 ovog zakona.
- (3) Odbor vjerovnika iz stavka 1 ovog članka sačinjavaju vjerovnici koji su suglasni da budu članovi odbora vjerovnika i koji imaju najveća potraživanja od dužnika.
- (4) Na ročištu za prinudno poravnanje vjerovnika s pravom glasa (članak 156 stavak 3), daju suglasnost na odbor vjerovnika iz stavka 1 ovog članka ili biraju odbor vjerovnika drugačijeg sastava.

Članak 120

Odbor vjerovnika iz članka 119 ima pravo da:

1. pregleda poslovno i financijsko stanje dužnika i da zahtjeva podatke koji su važni za izradu plana financijske reorganizacije;
2. sudjeluje u izradi plana financijske reorganizacije;
3. predloži imenovanje ili razrješavanje upravitelja poravnanja;
4. daje prijedloge i mišljenja i poduzima druge radnje važne za zaštitu interesa vjerovnika tijekom postupka.

Članak 121

Postupak prinudnog poravnanja se pokreće na prijedlog dužnika, ako su ispunjeni uvjeti za otvaranje stečajnog postupka (članak 3 ovog zakona).

Pokretanje postupka prinudnog poravnanja

Članak 122

- (1) Prijedlog za otvaranje postupka prinudnog poravnanja mora sadržati naziv i adresu dužnika, činjenice iz kojih proizilazi postojanje uvjeta za postupak prinudnog poravnanja, prijedlog da sud otvori postupak prinudnog poravnanja i potpis predlagača.
- (2) Prijedlog za otvaranje postupka prinudnog poravnanja mora sadržati:
 1. izvješća o dužnikovom ekonomskom i financijskom stanju,
 2. dokumentaciju koja ukazuje na vjerojatnoću da postoje uvjeti za otvaranje postupka,
 3. spisak dužnikovih vjerovnika i dužnika, kao i i pravni osnov i iznos njihovih dospjelih i nedospjelih potraživanja i dugovanja,
 4. spisak razlučnih i izlučnih vjerovnika s podacima kao u točki 3 ovog stavka.

Članak 123

Uz prijedlog za prinudno poravnanje može se priložiti izjava o datom jamstvu, ako prinudno poravnanje bude zaključeno.

Članak 124

- (1) Ukoliko prijedlog za pokretanje postupka prinudnog poravnanja nije podniet u skladu s člankom 122 ovog zakona, sudac poravnanja rješenjem vraća prijedlog i istovremeno određuje rok za ispravku ili dopunu, koji ne može biti kraći od osam (8) dana.
- (2) Ako predlagač ne postupi u roku iz prethodnog stavka, sudac poravnanja će odbaciti prijedlog za otvaranje postupka prinudnog poravnanja.

Članak 125

- (1) Od dana podnošenja prijedloga za otvaranje postupka prinudnog poravnanja do donošenja odluke o otvaranju postupka prinudnog poravnanja, dužnik može vršiti tekuće poslove vezane za tekuće aktivnosti i namirivanje tekućih obveza.
- (2) Tijekom perioda iz prethodnog stavka dužnik ne može otuđiti ili opteretiti svoju imovinu, niti izdavati garancije ili biti garant mjenice.
- (3) Pravni poslovi dužnika učinjeni suprotno prethodnom stavku, ne proizvode pravne posljedice u odnosu na vjerovnike.
- (4) Nakon isticanja rješenja o otvaranju postupka prinudnog poravnanja na oglasnu ploču, dužnik može vršiti samo one poslove iz stavka 2 ovog članka koje odobri sudac poravnanja ili upravitelj poravnanja, a nakon mišljenja odbora vjerovnika.
- (5) Mišljenje iz prethodnog stavka odbor vjerovnika je dužan dostaviti u roku od osam (8) dana, a u protivnom će se smatrati da postoji suglasnost odbora vjerovnika za poslove dužnika iz stavka 2 ovog članka.
- (6) Pravni poslovi koje dužnik zaključi suprotno ovom članku, ne proizvode pravne posljedice u odnosu na vjerovnika, ukoliko je druga strana znala ili je mogla znati da je takav posao izvan opsega tekućeg poslovanja dužnika i da dužnik nije imao dozvolu za pravni posao od suca poravnanja ili upravitelja poravnanja, ako je tako određeno ili da je sudac poravnanja ili upravitelja poravnanja bio protiv zaključenja tog posla.

Otvaranje postupka prinudnog poravnanja

Članak 126

- (1) Ako sudac poravnanja ne odbaci prijedlog za otvaranje postupka prinudnog poravnanja u skladu s člankom 124 ovog zakona, donosi rješenje o otvaranju postupka prinudnog poravnanja.
- (2) Rješenjem o otvaranju postupka prinudnog poravnanja, sudac poravnanja zahtijevat će od predlagača da deponuje avans za troškove postupka i odredit će rok za uplatu avansa koji ne može biti kraći od osam (8) dana.
- (3) Ako do isteka roka iz stavka 2 ovog članka predlagač ne uplati avans, niti to učine osnivač ili neka druga osoba, sudac poravnanja će obustaviti postupak prinudnog poravnanja.
- (4) Rješenje o otvaranju postupka prinudnog poravnanja dostavlja se predlagaču.

Članak 127

- (1) Nakon donošenja rješenja o otvaranju postupka prinudnog poravnanja, sudac poravnanja može, na prijedlog vjerovnika, a po pribavljenom mišljenju odbora vjerovnika, odrediti isplate sa računa dužnika na način koji je u skladu s postupkom prinudnog poravnanja, i obavijestiti banku koja vrši platne transakcije za račun dužnika o ovom ograničenju.
- (2) Odbor vjerovnika je dužan da dostavi mišljenje iz prethodnog stavka u roku od osam (8) dana od prijema zahtjeva vijeća poravnanja.
- (3) Prethodno mišljenje nije potrebno ako se radi o obvezama iz tekućeg poslovanja ili za troškove postupka prinudnog poravnanja.
- (4) U postupku prinudnog poravnanja dužnik je u obvezi da omogući vjerovnicima na njihov

zahtjev, pregled poslovnih knjiga i financijske dokumentacije i da im osigura sve informacije od značaja za utvrđivanje ekonomske i financijske situacije dužnika ili za sastavljanje plana financijske reorganizacije dužnika.

Članak 128

- (1) Predlagač može povući svoj prijedlog za otvaranje postupka prinudnog poravnanja u bilo koje vreme do dana određenog za ročište o prinudnom poravnanju.
- (2) U slučaju iz stavka 1 ovog članka sudac poravnanja obustavlja postupak.

Članak 129

- (1) Sudac poravnanja obustavlja postupak na osnovu obrazloženog prijedloga odbora vjerovnika, bilo kojeg vjerovnika koji je prijavio potraživanje, ili upravitelja poravnanja, ukoliko utvrdi da:
 1. dužnik može ispuniti obveze bez financijske reorganizacije,
 2. se dužnik ponaša suprotno članku 125 ovog zakona usljed čega je mogućnost isplate vjerovnika umanjena,
 3. ne postoji mogućnost da dužnik ispuni obveze na osnovu prijedloga za prinudno poravnanje.
- (2) U slučaju iz točke 2 i 3 prethodnog stavka ovog članka, sudac poravnanja nastavlja stečajni postupak po službenoj dužnosti.
- (3) Prijedlog iz stavka 1 ovog članka može se uložiti najkasnije do početka glasanja o predloženom prinudnom poravnanju na ročištu za prinudno poravnanje.

Članak 130

- (1) Po prijemu prijedloga za obustavu postupka iz članka 129 ovog zakona, sudac poravnanja zakazuje ročište za raspravu o tom prijedlogu. Sudac poravnanja poziva predlagača, dužnika, članove odbora vjerovnika i upravitelja poravnanja, uz poziv dostavlja i prijedlog za obustavu postupka.
- (2) Sudac poravnanja mora donijeti rješenje o prijedlogu za obustavu postupka na ročištu iz stavka 1 ovog članka ili najkasnije u roku od tri (3) dana nakon ročišta.
- (3) Protiv rješenja kojim sudac poravnanja odbacuje prijedlog za obustavu postupka, nije dozvoljena posebna žalba.
- (4) U slučaju kada je ročište za prinudno poravnanje već određeno, sudac poravnanja može odlučiti da raspravi prijedlog za obustavu postupka na ročištu za prinudno poravnanje. Sudac poravnanja o istom obavještava osobe iz stavka 1 ovog članka i dostavlja im prijedlog za obustavu postupka.

Članak 131

- (1) Sudac poravnanja obavještava oglasom vjerovnike o otvaranju postupka prinudnog poravnanja.
- (2) Oglas se postavlja na oglasnu ploču suda i objavljuje u "Službenom glasniku Brčko Distrikta Bosne i Hercegovine" i u "Službenom glasniku Bosne i Hercegovine". Oglas se postavlja na oglasnu ploču suda istog dana kada je donijeto rješenje o otvaranju postupka prinudnog poravnanja.
- (3) Sudac poravnanja može odlučiti da se obavještenje objavi i u javnim medijima.

Članak 132

Oglas o otvaranju postupka prinudnog poravnanja sadrži:

1. naziv suda,
2. naziv ili ime i adresu dužnika,
3. izvod iz rješenja o otvaranju postupka prinudnog poravnanja s brojem pod kojim se predmet vodi,
4. poziv svim vjerovnicima čija potraživanja su nastala do dana objavljivanja oglasa o otvaranju postupka prinudnog poravnanja na oglasnoj ploči suda, da prijave svoja potraživanja sudu obrazloženom molbom, u dva primjerka, i sa priloženim dokazima, u roku od šesdeset (60) dana od dana objavljivanja oglasa u "Službenom glasniku Brčko Distrikta Bosne i Hercegovine" ili u "Službenom glasniku Bosne i Hercegovine".
5. upozorenje vjerovnicima da mogu osporiti potraživanja drugih vjerovnika u roku od trideset (30) dana od isteka roka iz prethodnog stavka,
6. ime upravitelja poravnanja,
7. nazive ili mjesta i adrese članova odbora vjerovnika,
8. datum kada je oglas postavljen na oglasnu ploču suda.
- 9.

Članak 133

Pravne posljedice otvaranja postupka prinudnog poravnanja nastupaju na dan kada je oglas o otvaranju postupka prinudnog poravnanja istaknut na oglasnoj ploči suda.

Članak 134

- (1) Danom otvaranja postupka prinudnog poravnanja ne može se protiv dužnika dopustiti mjera osiguranje niti prinudno izvršenje radi namirenja potraživanja u pogledu kojih postoji izvršna ili vjerodostojna isprava.
- (2) Postupci osiguranja i izvršenja iz stavka 1 ovog članka koji su u tijeku, prekidaju se.
- (3) Stavak 1 i stavak 2 ovog članka ne primjenjuju se na izlučne vjerovnike, niti na razlučne vjerovnike koji su pravo na odvojeno namirenje stekli šesdeset (60) dana prije dana otvaranja postupka prinudnog poravnanja.
- (4) Stavak 1 i stavak 2 ovog članka ne primjenjuju se na vjerovnike iz članka 98 stavak 2 ovog zakona.

Članak 135

- (1) Na dan otvaranja postupka prinudnog poravnanja nedospjela novčana i nenovčana potraživanja vjerovnika prema dužniku smatraju se dospjelim.
- (2) Nenovčana potraživanja vjerovnika prema dužniku postaju novčana potraživanja u skladu s cijenama na dan otvaranja postupka prinudnog poravnanja.
- (3) Novčana i nenovčana potraživanja vjerovnika prema dužniku, koja se odnose na povremena davanja pretvaraju se u jednokratna novčana potraživanja.
- (4) Potraživanja vjerovnika u stranoj valuti postaju potraživanja u domaćoj valuti utvrđena prema srednjem tečaju Centralne banke Bosne i Hercegovine na dan otvaranja postupka prinudnog poravnanja.

Članak 136

Nedospjela novčana potraživanja na koja se ne računa kamata, snižavaju se (oduzimaju) u skladu sa zakonskom kamatom (članak 51) od dana otvaranja postupka prinudnog poravnanja do dana dospjeća potraživanja. Na potraživanja koja su na ovaj način snižena, teče kamata od dana otvaranja postupka prinudnog poravnanja do dana isplate.

Članak 137

- (1) Potraživanja vjerovnika koja se na dan otvaranja postupka prinudnog poravnanja mogu prebiti s potraživanjem dužnika, smatrat će se prebijenim.
- (2) Prebijaju se i potraživanja odnosno protupotraživanja koja nisu dospjela na dan otvaranja postupka prinudnog poravnanja, kao i potraživanja odnosno protupotraživanja koja ne glase na novčani iznos.

Članak 138

- (1) Ako u periodu do otvaranja postupka prinudnog poravnanja niti jedna strana nije u potpunosti izvršila obveze iz dvostrano teretnog ugovora, dužnik može predložiti sucu poravnanja da mu dozvoli odustanak od ugovora.
- (2) Dužnik može podnijeti prijedlog iz prethodnog stavka u roku od trideset (30) dana od dana otvaranja postupka prinudnog poravnanja. Sudac poravnanja će odlučiti o ovom prijedlogu nakon pribavljanja mišljenja druge ugovorne strane i upravitelja poravnanja, Sudac poravnanja će dozvoliti dužniku da odustane od ugovora, ako utvrdi da bi u suprotnom izvršenje ugovora ili prinudnog poravnanja postalo neizvjesno i da odustajanje od ugovora neće prouzročiti nesrazmjernu štetu drugoj strani.
- (3) Protiv odluke suca poravnanja kojom se dužniku dozvoljava odustanak od ugovora, nije dozvoljena žalba.
- (4) Dužnik može odustati od ugovora u roku od osam (8) dana od prijema odluke suca poravnanja kojom se dozvoljava odustanak od ugovora. U tom slučaju, druga ugovorna strana je dužna vratiti sve što je primila po osnovu ugovora. Druga ugovorna strana može tražiti naknadu štete pod uvjetima iz prinudnog poravnanja.

Članak 139

Ako ni dužnik ni druga ugovorna strana nije ispunila u potpunosti obveze iz dvostrano teretnog ugovora do otvaranja postupka prinudnog poravnanja, a dužnik nije odustao od ugovora, svaka ugovorna strana je dužna izvršiti svoje ugovorne obveze, bez obzira na zaključeno prinudno poravnanje.

Članak 140

Ugovori o zakupu koje je dužnik zaključio do dana otvaranja postupka prinudnog poravnanja, ostaju na snazi.

Članak 141

- (1) Vjerovnici moraju prijaviti svoja potraživanja u roku od šesdeset (60) dana od dana objave otvaranja postupka prinudnog poravnanja u "Službenom glasniku Brčko Distrikta Bosne i Hercegovine" ili u "Službenom glasniku Bosne i Hercegovine". Prijavljuju se potraživanja nastala do dana otvaranja postupka prinudnog poravnanja.
- (2) Prijava iz prethodnog stavka sadrži:
 - 1) naziv odnosno ime i prezime i adresu dužnika,
 - 2) pravni osnov i iznos potraživanja,
 - 3) dokaze na kojima se zasnivaju potraživanja.
- (3) Vjerovnici koji imaju potraživanja u stranoj valuti prijavljuju potraživanja u stranoj valuti uz naznaku protuvrijednosti u domaćoj valuti prema srednjem tečaju Centralne Banke Bosne i Hercegovine na dan otvaranja postupka prinudnog poravnanja.
- (4) Vjerovnici s potraživanjima koja u sebi sadrže kamatu prijavljuju pored glavnice, dospjele kamate (ugovorene i zatezne), obračunate do dana otvaranja postupka prinudnog poravnanja.

- (5) Vjerovnici čija potraživanja nisu dospjela do dana otvaranja postupka prinudnog poravnanja, a ne sadrže kamatu, prijavljuju potraživanja u sniženom iznosu (članak 136 ovog zakona) na dan otvaranja postupka prinudnog poravnanja.
- (6) Bez obzira na odredbe iz stavka 1 ovog članka, vjerovnici čija su potraživanja nastala nakon otvaranja postupka prinudnog poravnanja, također prijavljuju potraživanja, ako ona proizilaze iz pravnih poslova neophodnih da dužnik nastavi poslovanje za vreme postupka prinudnog poravnanja i ako su vjerovnici prihvatili posebno zaključenim ugovorom s dužnikom, da pretvore ova potraživanja u dionice ili udjele, pod uvjetom da se prinudno poravnanje odobri.
- (7) Vjerovnici iz stavka 5 ovog članka su dužni da prijave potraživanja u roku od pet (5) dana od zaključivanja ugovora o pretvaranju potraživanja u dionice ili udjele, a najkasnije do ročišta za prinudno poravnanje.

Članak 142

- (1) Dužnik, vjerovnici i upravitelj poravnanja, mogu u roku od trideset (30) dana nakon isteka roka za prijavu potraživanja, da podnesu sudu prigovor protiv prijavljenog potraživanja.
- (2) Bez obzira na odredbe iz stavka 1 ovog članka, prigovori protiv potraživanja iz članka 141 stavak 6 ovog zakona, mogu se uložiti do ročišta za prinudno poravnanje.
- (3) Potraživanja protiv kojih nisu uloženi prigovori iz stavka 1 i 2 ovog članka, smatraju se utvrđenim potraživanjima.

Članak 143

Prijavljivanjem potraživanja prekida se zastarjevanje potraživanja. Rok zastarelosti počinje da teče nakon isteka vremena koje je određeno za plaćanje u prinudnom poravnanju. Ako prinudno poravnanje nije odobreno i sud nije po službenoj dužnosti pokrenuo stečajni postupak, rok zastarjelosti počinje da teče nakon pravosnažnosti rješenja o obustavi postupka prinudnog poravnanja.

Plan financijske reorganizacije

Članak 144

- (1) Dužnik je dužan da priloži plan financijske reorganizacije u roku od dva (2) mjeseca od dana podnijetog prijedloga za otvaranje postupka prinudnog poravnanja. Plan mora biti priložen u najmanje deset (10) kopija.
- (2) Ako dužnik ne priloži plan financijske reorganizacije u roku iz stavka 1 ovog članka, sudac poravnanja će obustaviti postupak.
- (3) Plan se dostavlja upravitelju poravnanja i članovima odbora vjerovnika.

Članak 145

- (1) U planu financijske reorganizacije dužnik predlaže prinudno poravnanje, koje sadrži:
- 1) klase potraživanja s obzirom na pravni i poslovni osnov i druge karakteristike, ako dužnik za pojedine klase potraživanja predlaže različit procenat umanjenja (na primjer, klasa kratkoročnih kredita, klasa dugoročnih investicionih kredita, klasa potraživanja dužnikovih dobavljača robe, klasa potraživanja dužnikovih zaposlenika),
 - 2) klase potraživanja na koje ne utiče odobrenje plana financijske reorganizacije,
 - 3) prijedlog za isplatu potraživanja u smanjenom iznosu i krajnji rok za isplatu za svaku

- klasu potraživanja, izuzev potraživanja iz točke 2 ovog stavka,
- 4) prijedlog za jednako, procentualno smanjenje potraživanja ili odlaganje dospijeca plaćanja u okviru iste klase potraživanja, izuzev ako se određeni vjerovnike te klase potraživanja izričito i u pismenoj formi suglasi s nepovoljnijim uslovima isplate.
- (2) Kada je određeni vjerovnik prihvatio da mu se potraživanje umesto u novcu, izmiri drugom imovinom dužnika (članak 146 stavak 1), dužnik mora u planu financijske reorganizacije da navede:
 - 1) visinu potraživanja koje se izmiruje drugom imovinom dužnika,
 - 2) vrstu imovine kojom se potraživanje izmiruje,
 - 3) vrijednost imovine kojom se potraživanje izmiruje.
 - (3) Kada određeni vjerovnik pristaje da svoje potraživanje izmiri pretvaranjem u osnovni kapital dužnika, dužnik u planu financijske reorganizacije mora navesti:
 - 1) novu visinu osnovnog kapitala (članak 149 stavak 1 točka 2),
 - 2) visinu potraživanja koje se izmiruje pretvaranjem u osnovni kapital,
 - 3) dio (u nominalnom i procentualnom iznosu) u osnovnom kapitalu dužnika koji je vjerovnik stekao pretvaranjem potraživanja.
 - (4) Uz plan financijske reorganizacije dužnik mora priložiti:
 - 1) obračunski bilanc stanja koji prikazuje stanje sredstava i obveza, kao i izvore sredstava krajem poslednjeg tromesečja prije podnošenja plana financijske reorganizacije (u daljem tekstu: "poslednji bilanc stanja"),
 - 2) predračunski bilanc stanja, koji prikazuje stanje sredstava i obveza, izrađen uz pretpostavku da bi na dan podnošenja plana financijske reorganizacije, predloženo prinudno poravnanje počelo da proizvodi dejstvo,
 - 3) iskaz uspjeha i financijskih tokova za poslednju poslovnu godinu i za tekuću godinu do datuma poslednjeg bilanca stanja,
 - 4) predračunski iskazi financijskih i novčanih tokova za razdoblje na koje se prinudno poravnanje odnosi, i to od početka do isteka roka za isplatu svih potraživanja po osnovu prinudnog poravnanja,
 - 5) u slučaju iz stavka 1 točka 4 ovog članka, pismenu izjavu vjerovnika da pristaje na nepovoljnije uvjete za naplatu svog potraživanja,
 - 6) u slučaju iz stavka 2 ovog članka, pismenu izjavu vjerovnika da pristaje na ispunjenje obveze na drugi način,
 - 7) izvešće vještaka o procjeni imovine koja je predmet ispunjenja obveze umjesto novčanog ispunjenja, kada u slučaju iz stavka 2 ovog članka visina potraživanja prelazi iznos od 100.000 KM,
 - 8) u slučaju iz članka 146 stavak 4, pismenu izjavu razlučnog vjerovnika da pristaje na manje povoljne uvjete isplate i da se odriče preostalog potraživanja.
 - (5) U planu za financijsku reorganizaciju, dužnik mora učiniti vjerovatnim da će ispuniti obveze iz predloženog prinudnog poravnanja, a može predložiti i dodatne metode financijske reorganizacije, koje garantira ispunjenje obveza iz predloženog prinudnog poravnanja.

Članak 146

- (1) U planu za financijsku reorganizaciju, dužnik može ponuditi vjerovnicima isplatu samo u novcu, osim ako se određeni vjerovnik izričito i u pismenoj formi suglasi s drugačijom isplatom.
- (2) Dužnik ne može vjerovnicima ponuditi niži procenat isplate potraživanja od:
 - 1) 20% ako se plaćanje nudi u roku od jedne (1) godine,
 - 2) 40% ako se plaćanje nudi u roku od dvije (2) godine,
 - 3) 60% ako se plaćanje nudi u roku od tri (3) godine,
 - 4) 80% ako se plaćanje nudi u roku od četiri (4) godine,
 - 5) 100% ako se plaćanje nudi u roku od pet (5) godina.
- (3) Pored sniženja isplate potraživanja po osnovu glavnice i dospjelih kamata do otvaranja postupka prinudnog poravnanja u opsegu i rokovima iz prethodnog stavka, dužnik može ponuditi i isplatu umanjene kamate za vrijeme od otvaranja postupka prinudnog poravnanja do isplate potraživanja.
- (4) Isplate na način predviđen u stavku 2 i 3 ovog članka, ne mogu biti ponuđene vjerovnicima iz članka 162 stavak 2 ovog zakona, osim ako su oni suglasni sa tim.

Članak 147

Plan financijske reorganizacije iz članka 145 stavak 5 ovog zakona, podrazumijeva poslovni ili financijski metod ili kombinaciju tih metoda, koji garantiraju da će dužnik biti sposoban za plaćanje. Dužnik mora obrazložiti metode financijske reorganizacije u svom planu, a posebno:

- 1) procijeniti i objasniti mjere za sticanje sredstava za plaćanje (kao što je prodaja djela imovine, zajmovi i slično),
- 2) procijeniti i objasniti mjere koje se odnose na osnovni kapital (povećanje osnovnog kapitala dužnika pretvaranjem potraživanja vjerovnika koji se sa tim suglase, u dionice ili udjele)
- 3) opisati i procijeniti mjere za racionalizaciju poslovanja (smanjenje radne snage, smanjenje troškova i slično)
- 4) opisati i procijeniti načine na koji će dužnik povećati prihod (proizvodnja novog proizvoda s analizom tržišta i slično)

Članak 148

Ako dužnik kao jedan od metoda u planu financijske reorganizacije, predloži povećanje osnovnog kapitala pretvaranjem potraživanja vjerovnika u dionice ili udjele, na povećanje osnovnog kapitala primenjuju se odredbe Zakona o poduzećima, ako ovim zakonom nije drugačije određeno.

Članak 149

Odluka o promjeni osnovnog kapitala mora sadržati:

- 1) nominalnu visinu za koji se osnovni kapital povećava i druge podatke koje odluka o povećanju kapitala sadrži,
- 2) novu visinu osnovnog kapitala,
- 3) broj dionica koje se izdaju zbog povećanja osnovnog kapitala i nominalni iznosi na koji glase određene dionice,
- 4) isključenje prečeg prava kupovine novih dionica ili udjela u korist postojećih dioničara ili vlasnika,
- 5) listu vjerovnika i visinu njihovih potraživanja prema dužniku, koja se pretvaraju u osnovni kapital dužnika,
- 6) ukupni nominalni iznos dionica koje se osiguravaju svakom vjerovniku,
- 7) navod da odluka o promjeni osnovnoga kapitala proizvodi dejstvo pod uvjetom da se predloženo prinudno poravnanje odobri.

Članak 150

- (1) Rok za upisivanje novih dionica ili sticanje udjela zbog povećanja osnovnog kapitala dužnika, mora biti određen tako da ističe najkasnije posljednjeg radnog dana prije dana određenog za ročište za prinudno poravnanje.
- (2) Izjava o upisu novih dionica ili sticanje udjela (upisna potvrda) mora pored podataka određenih zakonom, sadržati izjavu vjerovnika da svoje potraživanje pretvara u osnovni kapital dužnika, pod uvjetom da se prinudno poravnanje odobri.
- (3) Vjerovnik mora priložiti sudu kopiju upisne potvrde iz stavka 2 ovog članka, najkasnije prije glasanja o prinudnom poravnanju.

Članak 151

- (1) Na dan pravosnažnosti rješenja o odobrenom prinudnom poravnanju, smatra se da su nove dionice ili udjeli uplaćeni i osnovni kapital dužnika promijenjen.
- (2) Uprava dužnika je dužna prijaviti opis promjene osnovnog kapitala u sudski registar u roku od petnaest (15) dana od dana pravosnažnosti rješenja o odobrenju prinudnog poravnanja.

- (3) Prjavu iz stavka 2 ovog članka, može izvršiti i vjerovnik koji je upisao dionice na način iz članka 150 ovog zakona, ako prijavu nije izvršila uprava dužnika u roku iz stavka 2 ovog članka.
- (4) Uz prijavu za upis promjene osnovnog kapitala iz stavka 2 ovog članka, potrebno je priložiti:
 - 1) poslednji bilanc stanja dužnika,
 - 2) ovjeren zapisnik skupštine koja je donijela odluku o promjeni osnovnog kapitala iz članka 149 ovog zakona,
 - 3) potvrdu o upisu novih dionica ili stjecanju udjela,
 - 4) kopiju rješenja o odobrenom prinudnom poravnanju s potvrdom pravosnažnosti.

Članak 152

- (1) Ako je plan finansijske reorganizacije u suprotnosti sa člankom 145 i 146 ovog zakona, sudac poravnanja će pozvati dužnika da ispravi prijedlog u roku ne kraćem od osam (8) dana.
- (2) Ako dužnik ne postupi na način i u roku iz prethodnog stavka, sudac poravnanja će odbiti prijedlog za prinudno poravnanje i obustaviti postupak.

Članak 153

- (1) Ukoliko je predviđeno smanjenje broja osoba zaposlenih kod dužnika kao jedna od mjera isplate duga, zatražit će se od dužnika da predloži program viška radne snage u skladu sa Zakonom o radnim odnosima. Ovaj program mora da sadrži: broj zaposlenika koji su višak, kao i radna mjesta koja se ukidaju.
- (2) U slučajevima iz stavka 1 ovog članka, kada rješenje o odobrenju prinudnog poravnanja postane pravosnažno, dužnik ima pravo da odluči o prestanku radnog odnosa za najviše onaj broj zaposlenika koji je utvrđen programom i koji obavljaju poslove označene kao višak u programu. Radni odnos tog broja zaposlenika prestaje nakon isteka otkaznog roka koji ne može biti duži od trideset (30) dana.
- (3) Pri odlučivanju kojim zaposlenicima prestaje radni odnos na osnovu stavka 2 ovog članka, sljedeći kriteriji će se uzeti u obzir: profesionalna obučenost ili kvalifikacija i potrebno dodatno znanje i sposobnosti, radno iskustvo, uspjeh na radu i radni staž.
- (4) Zaposlenici čiji radni odnos prestaje na osnovu stavka 2 ovog članka, imat će ista prava kao i zaposlenici čiji radni odnos prestaje usled otvaranja stečajnog postupka.

Članak 154

Suci poravnanja pozivaju sve vjerovnike na ročište za prinudno poravnanje oglasom koji se objavljuje u "Službenom glasniku Brčko Distrikta Bosne i Hercegovine" i u "Službenom glasniku Bosne i Hercegovine", najkasnije petnaest (15) dana prije ročišta i koji se postavlja na oglasnu ploču suda.

Ročište o prinudnom poravnanju

Članak 155

- (1) Na ročištu za prinudno poravnanje dužnik će iznijeti svoju ekonomsku i finansijsku situaciju i plan finansijske reorganizacije.
- (2) Uprava dužnika i osoba odgovorna za finansijsko poslovanje dužnika, dužni su da daju izjavu, da sve informacije o ekonomskom i finansijskom položaju dužnika, priložene uz prijedlog za pokretanje postupka prinudnog poravnanja, odgovaraju stvarnom stanju.

- (3) Predsjednik odbora vjerovnika i upravitelj poravnanja, nakon izjave iz prethodnog stavka, izjašnjavaju se o planu financijske reorganizacije.
- (4) Sudac poravnanja je dužan da obavijesti vjerovnike koja potraživanja smatra utvrđenim u skladu s člankom 142 ovog zakona i koja potraživanja smatra vjerojatnim, djelomično ili u potpunosti.

Članak 156

- (1) Vjerovnici odlučuju o ponuđenom poravnanju glasanjem.
- (2) Vjerovnici mogu glasati pismenim putem. Ako je vjerovnik pravna osoba, uz izjavu o glasanju, mora dostaviti dokaz da je ovlaštena osoba potpisalo izjavu o glasanju.
- (3) Pravo glasa pripada onim vjerovnicima čija su potraživanja utvrđena u skladu s člankom 142 stavak 3 ovog zakona, i vjerovnicima čija su potraživanja osporena u skladu s člankom 142 stavak 1 ili 2 ovog zakona, a sudac poravnanja ih smatra vjerojatnim djelomično ili u potpunosti.
- (4) Solidarna i zajednička potraživanja, ukoliko su ih vjerovnici prijavili pojedinačno, smatraju se jednim potraživanjem, a vjerovnici određuju između sebe osobu koja prijavljuje potraživanje kao svoje.
- (5) Ako vjerovnik prijavi potraživanja koja pripadaju različitim klasama, glas vjerovnika će se računati u svakoj klasi odvojeno.
- (6) Vjerovnici koji ne prijave svoja potraživanja u roku određenom u članku 141 ovog zakona, ne mogu glasati.

Članak 157

- (1) Pravo glasa ne pripada vjerovnicima čija se potraživanja u slučaju stečaja namiruju iz diobne mase prije ostalih potraživanja (članak 98 stavak 2), izlučnim i razlučnim vjerovnicima za dio potraživanja do visine vrijednosti stvari koje su predmet izlučnog i razlučnog prava, izuzev onih koji su stekli pravo na izdvojeno namirenje izvršenjem u roku od šesdeset (60) dana koja su prethodila donošenju rješenja o otvaranju postupka prinudnog poravnanja.
- (2) Bez obzira na odredbe iz prethodnog stavka, oni razlučni vjerovnici koji se u pismenoj izjavi odreknu od razlučnih prava, imaju pravo da glasaju. Ako je razlučno pravo nastalo uknjižbom hipoteke na nepokretnoj imovini u zemljišnu knjigu, pismena izjava o odricanju od razlučnog prava, mora biti podobna za upis u zemljišnu knjigu, vjerovnici moraju izjavu o odricanju priložiti sudu prije početka glasanja.

Članak 158

- (1) Prinudno poravnanje smatra se prihvaćenim, ako vjerovnici čija potraživanja iznose više od 60% svih potraživanja vjerovnika s pravom glasa, glasaju za usvajanje prinudnog poravnanja.
- (2) Prilikom glasanja, uzima se u obzir glavnica potraživanja zajedno sa zateznom ili ugovorenom kamatom obračunatom do dana otvaranja postupka prinudnog poravnanja.

Članak 159

Ako se na ročištu za prinudno poravnanje ne postigne većina potrebna za usvajanje prinudnog poravnanja, sudac poravnanja će odbiti prijedlog za prinudno popravnanje i po službenoj dužnosti započeti stečajni postupak.

Odobrenje prinudnog poravnanja

Članak 160

- (1) Sudac poravnanja rješenjem odobrava zaključeno prinudno poravnanje, pod sljedećim uvjetom:
 - 1) ako je prinudno poravnanje usvojeno (članak 158 ovog zakona)
 - 2) ako je u slučaju iz članka 130 stavak 4 ovog zakona odbio prijedlog za obustavu postupka iz članka 129 ovog zakona.
- (2) Ako nisu ispunjeni uvjeti iz prethodnog stavka, sudac poravnanja će odbiti prijedlog za prinudno poravnanje i obustaviti postupak.

Članak 161

- (1) Klasifikacija potraživanja i način isplate svake klase potraživanja, čini sastavni dio rješenja o odobrenom prinudnom poravnanju.
- (2) Rješenje o odobrenom prinudnom poravnanju sadrži naročito:
 - 1) izričit navod da klasifikacija potraživanja i način isplate svake klase potraživanja, čini sastavni dio rješenja o odobrenom prinudnom poravnanju,
 - 2) sadržaj isprava o odricanju od razlučnog prava iz članka 156 stavak 2 ovog zakona,
 - 3) spisak vjerovnika čija su potraživanja priznata i iznosi utvrđenih i umanjениh potraživanja koja se isplaćuju, kao i rok za isplatu,
 - 4) nazivi i imena osoba koje su dala jamstvo, uz naznačenje njihove solidarne odgovornosti svim vjerovnicima društva.
- (3) Zaključeno prinudno poravnanje ima pravno dejstvo i prema vjerovnicima koji nisu sudjelovali u postupku, kao i prema vjerovnicima koji su sudjelovali u postupku a čija su potraživanja osporena i naknadno potvrđena.
- (4) Pravosnažno rješenje o odobrenju prinudnog poravnanja postavlja se na oglasnoj tabli suda i objavljuje se u "Službenom glasniku Brčko Distrikta Bosne i Hercegovine" i u "Službenom glasniku Bosne i Hercegovine".

Članak 162

- (1) Odobreno prinudno poravnanje nema pravno dejstvo na potraživanja vjerovnika prema jamcima, solidarnim dužnicima i regresnim dužnicima.
- (2) Odobreno prinudno poravnanje nema pravno dejstvo na potraživanja vjerovnika iz stavka 2 članka 98 ovog zakona, na potraživanja razlučnih vjerovnika, osim za potraživanja za koja je pravo odvojenog namirenja stečeno za posljednjih šesdeset (60) dana prije donošenja rješenja o otvaranju postupka prinudnog namirenja, kao i na potraživanja izlučnih vjerovnika.

Članak 163

- (1) Rješenje o odobrenju prinudnog poravnanja ima snagu izvršne isprave za sve vjerovnika čija su potraživanja utvrđena.
- (2) Ako dužnik ne ispuni svoju obvezu iz zaključenog prinudnog poravnanja, vjerovnika ima pravo da u izvršnom postupku naplati umanjeno potraživanje ne samo od dužnika nego i neposredno od jamca koji je jamčio za dužnika (članak 161 stavak 2 točka 4 ovog zakona).

Članak 164

- (1) Ako je potraživanje vjerovnika zasnovano na izvršnoj ispravi, utvrđeno potraživanje čini glavnicu i obračunata kamata do dana ročišta za prinudno poravnanje, kao i troškovi parničnog i izvršnog postupka.
- (2) Ako je prinudnim poravnanjem određena isplata potraživanja u umanjenom iznosu, procenat za isplatu će se odrediti u odnosu na cjelokupan iznos utvrđenog potraživanja iz prethodnog stavka.
- (3) Na potraživanja određena za isplatu u prinudnom poravnanju teče zakonska kamata od dana odobrenja prinudnog poravnanja do roka određenog za isplatu tih potraživanja.

Članak 165

- (1) Na osnovu odobrenog prinudnog poravnanja dužnik se oslobađa obveza da vjerovniku isplati iznos koji je veći od postotka prihvaćenog u prinudnom poravnanju, a rokovi plaćanja se odlažu, u skladu sa zaključenim prinudnim poravnanjem. U tom opsegu dužnik se oslobađa obveza prema osobama kojima pripada pravo na regres (jamci).
- (2) Ako dužnik poslije zaključenog prinudnog poravnanja isplati vjerovnicima iznos koji prelazi postotak prihvaćen u prinudnom poravnanju, nema pravo na povrat tog iznosa.

Članak 166

- (1) Izvršne isprave koje se odnose na potraživanja utvrđena u rješenju o odobrenju prinudnog poravnanja gube pravnu snagu u odnosu na dužnika.
- (2) Izvršne isprave koje se odnose na potraživanja iz članka 161 stavak 3 ovog zakona mogu se izvršiti prema dužniku prinudnog poravnanja samo pod uvjetima iz zaključenog prinudnog poravnanja.
- (3) U postupku koji se poslije zaključenog prinudnog poravnanja vodi protiv dužnika radi naplate potraživanja iz članka 161 stavak 3, sud će, kao i drugi nadležni organ, po službenoj dužnosti, ako utvrdi da postoji obveza dužnika, rješenjem utvrditi njegovu obvezu i obvezati ga na plaćanje u skladu s uvjetima iz zaključenog prinudnog poravnanja.

Članak 167

Protiv rješenja o odobrenju prinudnog poravnanja, odnosno odbijanju prijedloga za zaključenje prinudnog poravnanja žalbu može podnijeti dužnik, vjerovnici i druge osobe koje u tome imaju pravni interes.

Izvršenje prinudnog poravnanja

Članak 168

- (1) Ako dužnik ne izvrši u potpunosti obveze iz prinudnog poravnanja, vjerovnici koji su namireni u skladu s prinudnim poravnanjem nisu dužni da vrate ono što su primili.
- (2) Potraživanja vjerovnika iz stavka 1 ovog članka, će se smatrati izmirenim u potpunosti, ako su izmireni iznosi utvrđeni u prinudnom poravnanju.
- (3) Vjerovnici koji su djelomično namireni u skladu s uvjetima zaključenog prinudnog poravnanja, prijavljuju u stečajnom postupku ukupan iznos potraživanja umanjen za procenat koji se smatra da je namiren u skladu s prinudnim poravnanjem.

- (4) Vjerovnici koji nisu ni djelomično namireni u skladu s uvjetima zaključenog prinudnog poravnanja, prijavljuju u stečajnom postupku potraživanja u punom iznosu na koji bi imali pravo da nije zaključeno prinudno poravnanje.

Stavljanje izvan snage prinudnog poravnanja

Članak 169

- (1) Svaki vjerovnik koji je sudjelovao u prinudnom poravnanju može u roku od šest (6) mjeseci po isteku roka za izvršenje prinudnog poravnanja, podnijeti zahtjev sudu poravnanja da stavi izvan snage zaključeno prinudno poravnanje.
- (2) Zahtjev iz stavka 1 ovog članka može se podnijeti ako dužnik može iz svojih sredstava izmiriti potraživanja vjerovnika u visini većoj od iznosa utvrđenog u prinudnom poravnanju, pod uvjetom da se time ne umanjuje sposobnost dužnika da redovno ispunjava svoje obaveze prema vjerovnicima.
- (3) U rješenju o stavljanju izvan snage zaključenog prinudnog poravnanja, sudac poravnanja će odrediti rok, koji ne može biti duži od jedne (1) godine, u kome je dužnik dužan da isplati vjerovnicima neisplaćeni dio potraživanja.
- (4) Žalba protiv rješenja iz stavka 3 ovog članka zadržava izvršenje rješenja.

Članak 170

- (1) Svaki vjerovnik čije je potraživanje smanjeno zbog zaključenog prinudnog poravnanja može u roku od dvije (2) godine od dana pravosnažnosti rješenja kojim je odobreno prinudno poravnanje, tužbom tražiti da se prinudno poravnanje stavi izvan snage ako je zaključeno na prevaran način.
- (2) Odluka o stavljanju izvan snage zaključenog prinudnog poravnanja nema pravnog dejstva na obveze po preuzetom jamstvu.

Upis u sudski registar

Članak 171

- (1) Prijedlog za pokretanje postupka prinudnog poravnanja, rješenje o otvaranju postupka prinudnog poravnanja, rješenje o obustavi postupka prinudnog poravnanja, rješenje o odbijanju prijedloga za prinudno poravnanje i rješenje o odobrenju prinudnog poravnanja upisuju se po službenoj dužnosti u registar.
- (2) Upisom u registar, sud istovremeno upisuje brisanje prethodnog upisa.

Troškovi prinudnog poravnanja

Članak 172

- (1) Svaki sudionik u prinudnom poravnanju snosi svoje troškove.
- (2) Troškove iz članka 116 stavak 3 i članka 117 stavak 2 ovog zakona snosi dužnik.
- (3) Nezavisno od ishoda postupka, sudionik je dužan i drugim sudionicima nadoknaditi troškove koje im je prouzročio svojom krivicom.

Primjena propisa o stečaju

Članak 173

- (1) Odredbe o stečajnom postupku iz ovog zakona shodno se primjenjuju i na postupak prinudnog poravnanja, ako ovim zakonom nije drugačije određeno.
- (2) Odredbe u stečajnom postupku koje se odnose na pravo pobijanja pravnih radnji stečajnog dužnika, ne primenjuju se u postupku prinudnog poravnanja.

VI- LIKVIDACIJA

Članak 174

- (1) Zakonom se određuje ko predlaže pokretanje postupka likvidacije.
- (2) Ako zakonom nije određeno ko predlaže pokretanje postupka likvidacije pravne osobe, prijedlog podnosi osoba ili organ koji je donio odluku o prestanku pravne osobe.
- (3) Ako pravna osoba prestaje da postoji na osnovu sudske odluke, osoba koja izvršava sudsku odluku podnosi prijedlog za pokretanje postupka likvidacije, ako zakonom nije drugačije određeno.

Članak 175

Sud po službenoj dužnosti pokreće postupak likvidacije ako je pravosnažnom sudskom odlukom utvrđena ništavost upisa u sudski registar.

Članak 176

Organi u postupku likvidacije su likvidacioni sudac i likvidacioni upravitelj.

Članak 177

- (1) Postupak likvidacije se ne sprovodi ako su ispunjeni uvjeti za sprovođenje stečajnog postupka.
- (2) Ako se tijekom postupka u bilo koje vrijeme, sve do zaključenja likvidacionog bilanca, utvrdi da su ispunjeni uvjeti za pokretanje stečajnog postupka, likvidacioni upravitelj je dužan bez odlaganja podnijeti prijedlog za pokretanje stečajnog postupka.
- (3) Stečajni postupak sprovodi likvidacioni sudac i likvidacioni upravitelj, na način na koji postupak sprovodi stečajni sudac i stečajni upravitelj, ako ovim zakonom nije drugačije određeno.
- (4) Radnje sprovedene u postupku likvidacije valjane su i u stečajnom postupku.

Članak 178

Ako se postupak likvidacije sprovodi po službenoj dužnosti, sud će rješenjem naložiti pravnoj osobi da uplati odgovarajući novčani iznos za pokrivanje troškova koji će nastati pokretanjem postupka likvidacije.

Članak 179

- (1) Odredbe ovog zakona koje se odnose na stečajni postupak shodno se primjenjuju i na postupak likvidacije, ako ovim zakonom nije drugačije određeno.
- (2) U postupku likvidacije se ne primjenjuju odredbe o prinudnom poravnanju prije i za vrijeme stečajnog postupka, o odboru vjerovnika, o razlučnim vjerovnicima, o pobijanju pravnih radnji, o ročištu za glavnu diobu i prigovorima na odluku o odobravanju nacrtu glavne diobe, o prodaji dužnika kao pravne osobe i o odbacivanju prijave potraživanja koje su u sud prispjele nakon isteka roka za prijavljivanje.

Članak 180

- (1) Potraživanja vjerovnika koja nisu prijavljena do datuma do kojeg je bilo moguće uzeti ih u razmatranje u nacrtu glavne diobe likvidacione mase, bit će izmirena po okončanju postupka likvidacije, od strane osoba u čiju je korist uplaćen ostatak imovine likvidacione mase poslije glavne diobe, i to samo do visine vrijednosti preuzete imovine.
- (2) Tužbu radi ostvarivanja prava iz stavka 1 ovog članka vjerovnici mogu podnijeti u roku od (1) jedne godine od dana objavljivanja oglasa o zaključenju postupka likvidacije u "Službenom glasniku Brčko Distrikta Bosne i Hercegovine" ili u "Službenom glasniku Bosne i Hercegovine".

VII - SUKOB ZAKONA I NADLEŽNOSTI

Članak 181

- (1) Sud je isključivo nadležan za sprovođenje postupka stečaja, prinudnog poravnanja i likvidacije protiv dužnika koji ima sjedište na teritoriji Distrikta.
- (2) Rješenja suda donesena u postupcima iz stavka 1 ovog članka se odnose na cjelokupnu imovinu dužnika koja se nalazi u Bosni i Hercegovini i inozemstvu.

Članak 182

- (1) Pravni propisi države u kojoj je pokrenut stečajni postupak, primjenjuju se i za unovčavanje imovine stečajnog dužnika.
- (2) Pravni propisi država na kojima su zasnovana potraživanja vjerovnika, primjenjuju se i na diobu imovine stečajnog dužnika.

Članak 183

- (1) Odluke stranih sudova donesene u postupku stečaja, prinudnog poravnanja ili likvidacije protiv dužnika koji ima prijavljeno sjedište ili prebivalište na području stranog suda, priznaju se u Distriktu pod uvjetima predviđenim za priznanje stranih sudskih odluka u skladu sa zakonom.
- (2) Rješenje o priznanju odluke stranog suda iz stavka 1 ovog članka se objavljuje u "Službenom glasniku Brčko Distrikta Bosne i Hercegovine" i "Službenom glasniku Bosne i Hercegovine" na način predviđen u ovom zakonu za objavljivanje rješenja o pokretanju stečajnog ili postupka prinudnog poravnanja.

Članak 184

- (1) U slučaju priznavanja odluke stranog suda, odredbe ovog zakona će se shodno primjenjivati i na pravni položaj stranog dužnika, kao i stranog stečajnog upravitelja.

- (2) U postupku za priznanje odluke stranog suda, neće se određivati novi stečajni upravitelj i odbor vjerovnika u Distriktu.
- (3) Rokovi predviđeni zakonima i drugim propisima Distrikta počinju teći po objavljivanju odluke o priznanju.

Članak 185

Strana sudska odluka priznata u smislu članka 183 ovog zakona, u pogledu imovine dužnika koja se nalazi u Distriktu, proizvodi pravno dejstvo koje predviđaju pravni propisi Distrikta za odluke odgovarajućeg sadržaja.

VIII - KAZNE NE ODREDBE

Članak 186

Novčanom kaznom od 200 do 2.000 KM kaznit će se za prekršaj stečajni upravitelj ako ne dovede u red evidenciju knjigovodstvenih podataka do dana otvaranja stečajnog postupka, ako ne odredi komisiju za popis imovine, ako ne sastavi početni stečajni bilanc, ako ne osigura ostvarivanje potraživanja dužnika, ako ne poduzima mjere da unovči imovinu dužnika, ili ako ne napravi nacrt glavne diobe ili prijedlog završnog stečajnog računa (članak 18 stavak 1).

Članak 187

Novčanom kaznom od 200 do 2.000 KM kaznit će se za prekršaj likvidacioni upravitelj ako ne podnese prijedlog sudu za pokretanje stečajnog postupka kad su za to ispunjeni uvjeti (članak 177 stavak 2).

Član 188

Novčanom kaznom od 300 do 5.000 KM kaznit će se za prekršaj dužnik protiv kojeg je podniet prijedlog za otvaranje stečajnog postupka, ako stečajnom sucu ne stavi na raspolaganje potrebnu dokumentaciju, podatke i obavještenja (članak 34 stavak 1).

Članak 189

Novčanom kaznom od 200 do 2.000 KM kaznit će se za prekršaj vlasnik dužnika, direktor ili drugi radnik s posebnim ovlaštenjem dužnika koji ne pruži stečajnom sucu potrebnu dokumentaciju i podatke koji su mu poznati bez obzira na to da li mu je prestala funkcija, odnosno radni odnos kod dužnika (stavak članka 34 stavak 2).

IX - PRIJELAZNE I ZAVRŠNE ODREDBE

Članak 190

- (1) Postupak stečaja, prinudnog poravnanja ili likvidacije otpočet prije dana stupanja na snagu ovog zakona, ako je donesena odluka o otvaranju postupka stečaja, prinudnog poravnanja ili likvidacije, završit će se u skladu s propisima koji su važili do dana stupanja na snagu ovog zakona.

(2) Izuzetno od odredbe stavka 1 ovog članka, prodaja dužnika može se izvršiti i u postupku koji je u tijeku.

Članak 191

Pravosudna komisija će donijeti Pravilnik o kriterijima za određivanje nagrade i isplate avansa stečajnom, likvidacionom i upravitelju poravnania u roku od tri (3) mjeseca od dana stupanja na snagu ovog zakona.

Članak 192

Danom stupanja na snagu ovog zakona prestaje primjena propisa o stečaju, prinudnom poravnanju i likvidaciji koji su se primjenjivali u Distriktu do dana stupanja na snagu ovog zakona.

Članak 193

Ovaj zakon stupa na snagu osmog dana od dana objavljivanja u "Službenom glasniku Brčko Distrikta Bosne i Hercegovine".

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТ

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKT

Broj:0-02-022-469 /01
Brčko, 11. i 14. prosinac 2001. godine

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik